

牧令書

卷十五 保息
卷十六 教化



07684

牧令書卷十五

保息目錄

養民

吏難一

吏難二

飭吏正俗四約

圖民錄

居官格言

手札節要

郵民間答

牧令書

卷十五 保息目錄

蜀僚問答

再行勸諭農民節儉蓋藏以充民用事

語陳修撰

養民

圖民錄

論賑貸諸法

留養局

普濟堂並育嬰堂條約

作吏要言

育嬰堂條規事宜冊

朱澤溇

張惠言

張惠言

陶元淳

袁守定

熊宏備

陳宏謀

汪輝祖

劉衡

田文鏡

潘公諒

吳榮光

袁守定

陸世儀

黃可潤

粟毓美

葉鎮

陳宏謀



陝西育嬰堂條規

崇綸

作吏管見

朱

作吏要言

葉鎮

掩幣會事宜冊

陳宏謀

埋幣掩幣

王士俊

牧令書

卷十五

保息目錄

二

興辦籌備

興辦會事宜冊

井里要言

井里要言

刺西育嬰堂條規

崇綸

牧令書卷十五保息

常變交濟斯緩急有須養民之政不亦全乎然有貫注乎常

與變而為政之所不可緩者周禮之保息是也能保息然後

能養民矣

朱澤澤

見賦役

養民

天下有其人至賤其力足以有為散之不見其多聚之足以為亂

者閒民也古之閒民十之一今之閒民十之六通都大邑之閒民

十之三窮荒州縣之閒民十之六有無田之閒民有無業之閒民

牧令書

卷十五 保息

一

有有田而無田有業而無業之閒民夫民何以閒知其為閒民

而不慮之使自九幾何而不為亂也自井田毀限田之制累朝不

能行非通都大邑財貨聚積之所則取財之途不廣謀生之術無

所施周禮九職曰閒民無常職轉移職事閭師凡無職者出夫布

孟子曰廛無夫里之布廛之設也所以處閒民夫布之罰也所以

驅閒民使業廛三代聖王位閒民有地教閒民有法閒民之多寡

有無上皆知其數而措置之今則督撫不問郡守不問州縣不問

豐歲優游坐食一遇凶荒相聚為非何所不至夫吏之於民州縣

為親近日州縣之吏司錢穀之出入而已百姓多寡虛實之數不

知也司催科之緩急而已百姓流離生死之故不知也災祲猝至

聞民嗷嗷仰望官粟給之不足於用不給展轉溝壑擊日傷心一歲饑則爲盜再歲三歲饑則爲寇一郡饑則流離就食一二省饑則迭盜之變有不可言者呂祖謙曰上者修先王預備之政其次修李惲之政不修預備而講求於臨時未見其有濟先王預備之政自井田毀數千年不復呂氏猶以此爲上者貴得其意耳詩曰嗟嗟保介維莫之春亦又何求如何新畬月令曰王命布農事命田舍東郊修封疆審端徑術善相邱陵阪險原隰土地所宜五穀所殖以教道民必躬親之農乃不惑古者設農官親行田畝教誨農事至再至三非故事也王制曰土無故不殺犬豕庶人無故不食珍庶羞不踰牲又曰九年耕必有三年之食月令曰命有司趨

牧令書

卷十五 保息

二

民收歛務蓄菜多積聚古者有司教民蓄積食時用禮諄諄懇懇非故事也三代聖王養民之制縱不能復猶得於載籍中推求其懷保無已之意今並其意而亡之矣既亡其意卽曰修補救之政欲民不閒游坐困豈可得哉夫預備之政不復徒存此區區之意烏足以濟而不知其非也今日州縣之吏所漠然無有者此意耳責今日州縣之吏使顛連無告之民代種富民之田定之以令不行也隨之以罰不行也設又使顛連無告之民日習百工之業教之不勝教也督之不勝督也所望於州縣之吏者惟此意也今之爲吏者有能致意於溝之洫之耕之耨之者乎有能致意於食之用之節之積之者乎有其意而行之不善於民無益也亡其意而

颯然處於民上將焉用之。一邑之勢養無田無業之閒民難。養有田有業之閒民易。養閒民於災荒之日難。養閒民於豐亨之日易。邑有里里有鄉鄉有圖圖有老一圖也有田有業者幾家有田不耕有業不勤者幾家無田無業傭工操作者幾家老預教之官親行之教之以耕耨教之以攻業教之以濬畝澮教之以遠服賈教之以量食教之以節儉教之以多蓄積民自爲積先王預備之政也官之教之不以爲民之事而以爲己之事民之奉行不以爲官之事而以爲己之事官之意入乎民民之意體乎官有田有業之民有所餘無田無業之民有所賴而又有常平社倉義倉之積以備不時之用此在吏之善爲之也嗚呼其亦難矣漢唐以來養民

攷令書

卷十五 保息

三

之政陵夷墮壞無一存者循吏如龔遂朱邑輩傳其人不傳其政非政之不傳一人之政而非一代之政宜其不傳也當此政敝壞民游佚之時望有循吏其人者因意以立政立政以養民豈不難乎幸有其人所用非所長所長非所用加之時勢之倥傯賠補之通累犬吏之阻撓奸宄之讒毀卒不得志以去坐使有田有業之民樂歲終身苦凶年不免於死亡又何問無田無業之民乎此有識者所深憂也

張惠言

見保甲書卷二

吏難一

古之吏難乎今之吏難乎古者民食君之食而衣君之衣服君之

教而事君之事。生齒以往。至於老死。皆有以給之。人民車輦馬牛。六畜皆得以數計。故其民有貧富而無凍餓。而其爲州黨之吏者。其始皆與其民輩作輩學。其行道藝爲衆所興也。而還以長其鄉里。故衆服以聽其所治。上者五百家。降是乃百家。以下至五家。而止。其人習故不察。而悉其事。簡故不勞。而詳當其時。吏奉法守條教。而天下治。後世之吏。則不然。出五百里。乃聽仕宦。南人使之治北。山人使之治澤。其土俗固非素悉也。州縣大者數百里。小者乃百里。戶口以萬計。簿書案牘出入之擾。強者弗能勝也。送迎之煩。供億之禮。舟車厨傳之費。廉者勿能節也。民富者貧者安居者。轉徙而流亡者。吏不肖不知其何以然也。賢者知之矣。然而不可

牧令書

卷十五 保息

四

如何。何則。耕無以爲之田。賈無以爲之費。居無以爲之宅。稟而粟之。則無以食之。迫而抑之。則亂。故不得不聽其貧。而轉徙。以至於流亡。不幸而有盜賊水旱之患。雖貰其租。寬其賦。日賑而月貸之。民之死生固不可知也。幸而水旱不告。盜賊不發。租稅以時入。徭役以期辦。上下相慶。以爲太平。而顛窮之民。父賣其子。夫鬻其妻。爲臧獲奴婢。以自存者。吏不得而知也。饑寒之不忍起。而爲竊盜。矯虔無行。以入於刑。僂枕首死者。吏不得而知也。失業無告。彙項以死。墳委於溝洫者。吏不得而知也。然則吏無虐無墨。無失法。而民之死者。已不可勝數矣。嗚呼。今之吏。而欲古之治。其亦難矣。夫民賴上之力。以生。其生以長。其子孫自食其力之所出。而以其餘

奉上以相養故尊其君而親其長無事則長安有事則可用今也民自以其力養生營死以幸脫饑寒死亡之患而未可必得而又損其所以自養者以給君長奉期約吏有求焉號囂而令之帖帖若奴隸鏹銖而筭之充充若外府然而有以窮困告者庸吏作色賢吏感鬪卒莫起而爲之籌若是求民戴其上不可得也愚以爲方今之患獨患吏與民濶而不相親民之視吏也憚然若神鬼之不可卽吏之視民也芸然若履崇山而視原隰之草木無所別之民之疾痛顛連而瀕於死者有執途人而哀之者矣未有號呼求拯於州縣者也其愚者不知州縣之職之宜生我也其知者知號呼之無益也且不唯無益而已州縣出一令行一法傳呼者數十

牧令書

卷十五 采息

五

人奔走者數百人利未見而已受其害故賢士大夫多以爲戒而民亦願相與休息而無爲夫立法而不便者上不悉下也法便而民不勸者下不信上也今夫良將領百萬之衆雖竈下廝養莫不知其所爲而士卒亦莫不與其將同腹心并耳目者非能日偵伺而人撫循也審于其利達于其害法度明而誠信著也故苟有以相親則百萬之衆措之若指臂苟無以相親則內治一妾外馭一僕且不足審其旦暮所事而何以謀長乎里有正圖有保是古之閭胥鄧長也宜擇士人有行者爲之誠能略仿周官管子之意立之教法使各掌其治以時課而問焉暇則與之論利害省誦脩閭閻幽隱之故必可知也今有謀焉則修之鄉鄉以修之都都以修

之圖千里之遠可使猶一家也。上有以知其下，故舉而不邇；下有以信其上，故令而不悞。然則生民之政舉而措之可也。

吏難二

夫吏誠有以信於下，而有志於生其民，則必無狃於目前旦夕之妄，而務治其原本。今夫古之所謂休息無爲者，不爲矯絕之法，不立詭俗之制，不拂乎民心以求譽，如此而已。非謂泛泛焉任其自生，自死自榮，自悴於其下，而我不與知，乃曰上與民不相擾也。若夫管子之治齊，子產之治鄭，孟子之治滕，矯然一變其故，綱立紀具，朞月之間，犁然也。故三子之治，可謂究其本矣。非之而不懼，沮之而不撓，及其經制既定，上下晏然。子孫蒙業數百年，可以無牧令書。

卷十五

深息

六

壞然則休息無爲，未有大於此者也。今之賢吏曰：寬徭役，謹賦稅，去其盜賊，理其獄訟，民安而治得，是則然矣。然而其所及者，樂業之民也。若其失業者，雖有寬徭恤役之令，而彼無與也。饑寒之不恤，則所謂盜賊者，皆此人矣。吏見其盜賊也，而以爲不足懼，嗚呼！孰知其始之本非盜賊耶？而況有不肯爲盜賊而死者耶？天下之地皆足以衣食，天下之民而利之所出不均，故得其源者生，而失其源者死。且夫一人之利，二人資之則微；十人之利，百人資之則匱。今民之所以求利者，一人得之，則千人趨之。然則利安得不絀，而民安得不貧？是故欲民之無饑寒，莫若均利源，欲利源之均，莫若正民業。管子曰：聖王定民之居，成民之事，四民者勿使雜處，故

教有恒而事有攷蓋古者度地居民而頒執事其要如此今計一縣之中田上下之率給幾何人山澤所出給幾何人四方貨賄市井之贏息所食者幾何人諡俗所資技藝工匠之巧須幾人地穡瘠之可化者幾何草木水石之未取者幾何四圻之內都會者何所鄉里市肆之不當其所者幾何行資四方而不棄其鄉里者幾何人通游者何所利矣總其數而乘除之必使所業與利相當而濟其有餘不足其農之能盡地力者工之能立物利者商之能裕本計者所以在告吏發幣聘之建以爲師使長其曹輩而教其不及稽其怠惰者不任者斥之農聚於疆工聚於肆賈聚於市田而不能播耰者不容於疆藝而不能飭材者不容於肆賈遷而不能

牧令書

卷十五 采息

七

阜通者不容於市其無田而無資者使相假貸而時其出入男年十六而不業農女年十三而不治絲枲者罰其父母則民勸其業而利修其有饑寒者或寡矣或曰管子之法四民各處其所今民之雜處久矣亦將分之乎否乎曰夫分民者非奪其居而徙其鄉也百室之聚必有市有肆有民居之屢其爲賈者必就市而工者必就肆其常也吾因其宜而安集之使不至嵬雜而已何難焉曰民既習其業矣利不足又使其他習如之何曰非徒已習之業也禁其方欲習者而已夫習焉而不獲其利苟願有徙者吾有以安之而又有以教之則彼亦樂得其所矣今夫一家之中有操作者有廝役者有芻圉者其爲之者皆其人之所自欲也而分處其所

爲者則主伯之事也。今一邑之民爲士者爲農若工賈者問吏以其數則茫然而不知也。嗚呼！僕隸無經事而主伯且得有其家者哉。

陶元淳

字子師江蘇常熟人康熙戊辰進士官昌化縣知縣有南崖集

八 飭吏正俗四約

自受命以來隨遇諮訪深知茲土之民墜於塗炭頃入縣境所過田疇蕪穢村落邱墟竟日行榛莽間不見一人既抵縣治則城垣頽敝學校廢弛士無絃誦之聲家鮮餅鬻之積物產蕭條商賈不至較其疾苦殆百所聞知縣惻焉心傷思欲救其彫敝而未知所從爾父兄子弟生長此邦凡所以致此之故必知之深矣其悉心

收令書

卷十五

保息

八

條陳利何以興害何以去務鑿鑿言之使下不病民而上亦不至病國此則知縣之所深期於爾者也。知縣筮仕日淺材薄力餽四境中有通曉世務諳練事情者不拘何色目人卽列其名以報爾曹生長邊海向來民牧未有以禮教先之其自安樸陋宜也。今欲變易風俗當自我左右之人始有仍褻服徒跣不衣不襪囚垢入公門者必重加懲治。夫法紀尊嚴之地固不容此倨侮之風矣。爾其知之勿慢。

陰陽之氣不相凌內外之職不相紊故男耕而女織人倫之制王化之基也。今爾民晝居於內而使其婦沾體塗足力作於外易陰陽之位亂男女之別傷化薄俗莫甚於此。且非所以勸勤也。夫一

夫不耕必受其饑况通邑之民皆息棄職業乎今與爾民約男子
治外女子治內不得復循固陋自致饑寒卽曰天氣稍涼知縣當
身行田野親察勤惰先爲布告如左凡我諸生父老通曉文義者
宣明我意家喻戶曉毋復爲此蚩蚩矣
爾民生長茲土一旦飄然遠適必有大不堪於中者非天災之所
迫卽橫斂之所加雖欲須臾少留而勢不可得其去此之彼宜也
今知縣下車之始諮訪向日舊例可裁者卽裁可減者卽減欲休
養斯民凡我父兄子弟孰無廬井鄉土之依孰無祖宗墳墓之戀
孰無姻戚故舊之歡而乃轉徙外地失業流離生爲旅人死爲客
鬼汝等自顧何以堪此今汝等田業尙在但能幡然來歸卽具名
報縣量免差役其有貧窮下戶實在無力者當量給牛種決不復
令失所汝宜鑒我之誠勿復淹留彼中也

袁守定 見治原

圖民錄

凡莅一方當相其所少亟爲補之俾民有所利賴任延爲九真太守
守俗以射獵爲業不知牛耕民常告糴交趾每致困乏延乃令鑄
作田器教之墾闢田疇歲歲開墾百姓充給華丹爲江南西道觀
察使民不知爲瓦屋草茨竹椽地多火災丹召工教爲陶人能爲
屋者受瓦於官度其費不取贏利火患遂息崔實爲五原太守五
原土宜麻桌而俗不知織績民冬月無衣積網草卧其中見更則

牧令書

卷十五 保息

衣草而出實至官斥賣儲峙爲作紡績練組之具以教之民得免
寒苦劉善明爲海陵太守境邊海無樹木善明課民種榆檟雜菓
遂獲其利數事皆善補地方之所不足爲利溥矣善補地方之所不足

書言如保赤子保字最可味民本不能自立須我保之也詩言宜
民宜人宜字最可味民則猶是須我宜之也孟子言保民直可王
天下安在彈丸之邑不能理乎詩言宜民受祿于天安在升斗之
糶不克保乎保民宜民

朱恭簡英嘗曰每爲民得省一錢還室神氣頓爽幸生 聖世無
政不舉無大利可興祇爲民得省一錢則民受一錢之利如收條
漕則徹底洗刷以省耗餘理訟獄則迅速審結以杜妄費胥吏有

牧令書

卷十五

保息

十

禁毋使婪賊菜薪之需不致短價在官無取辦之物料里中絕票
差之追呼時時以此存心自然觸處有益此今日牧民者第一務
也爲民省錢

票差當慎凡一票往鄉百里必有所費諺所謂官一點硃民一點
血也余所歷州縣每書吏呈票簽押輒握管躊躇不能下十格其
八九嘗循歲例於河神廟演戲票徵造臺者甚夥余曰一臺之微
動擾木席紬布夫匠等至十餘行之多豈神之所樂乎一保長請
曰河神廟之東爲某廟舊有臺於彼演戲請河神就觀可也余答
曰善爲民惜力神所與也其後遂以爲例慎票差

熊宏備 見治原

居官格言

請獨請賤姑了目前之事不知汰一苛吏革一弊法痛裁冗費務省虛文乃永遠便民之事

陳宏謀

見保甲書卷三

手札節要

一切靡文陋例無裨于公而有累于民者及官有些須之益而民受無窮之累者次第清釐去其太甚為百姓省一分擾累即為百姓培養一分元氣

帝顧

鴻書

紳士刁玩惟宜開誠布公漸次整頓常有同一勸懲而稍有意見則未免過激流於己甚非保全之善策也

寄初元方書

牧令書

卷十五

保息

七

凡地方有富厚之家乃無業貧民所賴以衣食者也遇有訟事是非一准于理如鑑之空如衡之平乃能服民亦足杜奸俗吏因富避嫌或推富以袒貧均屬偏見最長刁風要知安富正所以恤貧也

寄曹

涵書

汪輝祖

見保甲書卷三

郵民

為吏者但知責民試思身為法吏果能時時畏法事事奉法乎貪酷者無論何謹慎自持終不能於廉俸之外一介不取如所云陋規向者不干國法特宿弊因仍民與官習法所不及相率倖免耳官不能自閑於法而必繩民以法能無媿歟故遇愚民犯法但

能反身自問。自然歸於平恕。法所不容。姑脫者。原不宜曲法以長
奸情。尙可以從寬者。總不妨原情而畧法。其
先儒有言。一命之士。苟留心於愛物。於物必有所濟。身爲牧令。尤
當時存此念。設遇地方公事。不得不資於民力。若不嚴察吏役。或
又從而假公濟私。搜累何堪。故欲資民力。必先爲民惜力。不惟強
怨。亦可問心。事
地產土宜。非守土官之利也。偶因取給之便。奉上官贈寮友。後遂
沿爲故事。甚至市以官價。重累部民。毒流無既。如之何爲此厲階
也。故舊規所有。尙宜斟酌裁減。若所產之物。素未著名。斷不可輕
用饋遺。貽後人之害。禍同作俑。

牧令書

卷十五

保息

七

境當孔道。酬酢殷繁。器用食物。間有官價之名。或取自鋪瓦。或供
自保役。非攤派卽墊賄。原非善政。然陋習相仍。概予裁革。轉恐事
多棘手。此宜量爲節制。可已則已。萬勿任見小幕客漁利。家人借
端市索。致民力不堪。激而上控。

藏富於民。非專爲民計也。水旱戎役。非財不可。長民者。保富有素。
遇需財之時。懇惻勸諭。雖隘者亦感奮急公。而事無不濟。且富人
者。貧人之所仰給。邑有富戶。凡自食其力者。皆可藉以資生。至富
者貧而貧者益無以爲養。適有公事。必多梗治之慮。故保富是爲
治要道。况邑境之無賴。專好擾富人。以逞其欲。保富之道。惟在嚴
治。誣擾使無賴不敢藉端生事。富人可以安分無事。而四境不治。

未之有也

劉衡

見保甲書卷二

蜀僚問答

或問圖治以何爲先曰天下之患在民貧民貧無以爲生則輕犯
法吾儒身列仕籍有牧民之責道在恤民貧而已能恤民貧使無
犯法則治矣

或問何以恤貧民曰但謹握周禮保富二字而已蓋富民者地方
之元氣也邑有富民則貧民資以爲生富民多便省却官長恤貧
一半心力故保富所以恤貧也

或問何以保富曰但力圖興利除弊而已蓋興利則富者益富除
弊則富者不貧故皆爲保富要務也顧興利未易言我輩所可勉

改令書

卷十五

保息

三

自主張者其惟除弊乎

或問除弊以何爲先曰禁制棍蠹誣擾良民而已蓋富民多驛馭
畏吏役如虎狼棍蠹等窺其底裏相與勾結視爲魚肉甚則潛串
官之門丁誣陷恐嚇以取其財而破其家此弊所在皆有賴司牧
者有以除其弊而保之也

田文鏡

見用人

再行勸諭農民節儉益藏以充民用事

查民間用財大則納官糧以免追呼之擾次則留餘粟以備終歲
之需此外或置產買牛明年當倍而入或娶婦嫁女凡事循分而

行或布帛所必需。但求溫煖。或葶祭所不免。毋事奢侈。卽報賽田功。而鷄酒豚蹄。更多誠意。當歲時伏臘。而汗罇杯飲。饒有淳風。若因歲入之既豐。便爾用財之無度。或赴會場。而羣相賭博。或進酒館。而共快醑酬。或恃其有餘。與人爭訟。或只圖適意。不念將來。則曰。用不保其常充。青黃必至於不接。諺云。常將有日。思無日。不可無時想。有時。雖屬鄙語。可爲格言。合再勸諭。爲此示仰。撫屬官民人等。知悉。將本都院此示。不得視爲官府具文。惟奉作父兄告誡。時時寓目。刻刻經心。而財有不常積。用有不常舒者。必無是也。有父母斯民之責者。其轉告之。有木鐸警世之心者。其提撕之。有好樂無荒之思者。其諦聽之。毋忽。

牧令書

卷十五

保息

十四

潘詒 見屏惡

語陳修撰

凡地方奢華。中人之家最難處。須以禮法節其財用。使地方不貧。然奸人遊食必衆。不可使遽無所容。治其劇者。令各有所事。蓋地方繁劇。百務所會。去其過以補不足。易爲措置。至地方極儉樸處。必安居貧約。與古最近。而施予必濫。其一。二極貧苦人。竟無從覓一絲一粒。偷盜犯法。亦不可不預思安頓之術。

吳榮光 見農桑下

養民

養民之政。其端甚多。有戶口籍貫以奠其居。有繡甲防盜以禦其

侮有勸農開墾修隄以課其業有田穀之禁以去其耗有捕蝗伐蛟以除其害有橋梁濟渡以利其行有倉儲以備於未荒之先有荒政以救於既荒之後有惠卹諸政以周困窮而登仁壽此皆會典所載垂爲治要者也至於築塘堰以資水利備器具以救火災寒則施衣饑則設粥渴則置茶病則給以醫藥死則給以棺衾葬則給以義地皆政之切於民生者然此舉多由好義紳衿共爲施濟會典不及備載地方官司宜急加勸勵以神化原

袁守定

見治原

圖民錄

舜稱堯曰不虐無告武王稱文王曰不敢侮鰥寡周公稱祖甲亦

牧今書

卷十五

保息

五

日不敢侮鰥寡稱聖人之德而必言其不侮鰥寡無告之民者蓋此等窮民人情所易忽於人所易忽者而致敬焉乃爲盛德之至不虐無告

五帝之世矜寡孤獨廢疾者皆有所養文王發政施仁必先四民之無告者王制凡瘠鰥跛躄侏儒斷者各以所能仰食於官官一方者於政成民信之後善爲措置擇方正矜者經理其事多置田畝收其租以爲常廩堂宇傾者葺之廢者興之孜孜奉行國家之制以行己意其爲益也必多矣饑食老疾無告之民

陸世儀

見保甲書卷三

論賑貸諸法

詩云嗇矣富人哀此甦獨古人發政施仁必先甦獨朝廷體古人之意設孤老院給孤老糧以養甦獨德可謂至矣歲久法弛縣官漫不經意孤老院坍塌殆盡孤老糧爲富家乞作存留甦獨之被惠者十無其一豈不重負朝廷德意愚謂爲縣官者始蒞任時當卽以此事爲急身臨其地親爲經理凡院屋宜編號稍加寬敞井厠畢具四等窮民中惟寡婦宜獨居一處其餘三等當各因其所親熟束以伍法使之老稚相依聾聵相濟送死養生互爲倚賴是亦處甦獨之法

佛教無補於天下而獨有益于甦獨是不妨因勢利導凡孤老院

中縣官宜擇僧徒之有行者使居其處許之募化俾朝夕看養甦

牧令書

卷十五

保息

七

獨有功則縣官勞之其甦獨之人願爲僧者亦聽蓋垂死之人其心別無所樂使其注念西方亦可消遣餘生解其愁苦今僧徒中往往建放生菴開放生池畜養雞豚豕畜而獨無有念及甦獨者真可異也

黃可潤

見保甲書卷三

留養局

直隸留養局創於制府方公總藩時以養天寒道路疾病或衰老不能行者每歲十一月起至正月盡此實力爲之與否則存乎其人制府常謂余曰交河令尹侃在肅甯時於貧民甚留意邑有貧民或勸諭其親屬撫卹或官爲設法收養邑當被災後絕少顛連

道路之人。尹與余曾同辦。差人似迂謔。而存心如此。旋擢州牧。今乃保舉知府。循吏未嘗不見知也。余在大城設留養局。共六處。自捐勸捐中。有四處係大市鎮。以矜監誠實者。司其事。鹽當舖收錢。米鄉保于朔望具報。而親察核之。乾隆十六年二月。核共養二百餘人。欠暫不等。中分男女二局。每日人米一升。錢五文。慮鄉無醫。每局自捐寸金丹百十九。醫方集驗一本。以備急需。除醫藥棺斂。及去者給盤費外。計用錢五十千零米四十石零。存床椅鍋甑之屬。留再用。尙存銀一百六十兩。余再捐銀四十兩。共二百兩。交當舖生息。每年計得息四十八兩。可備下年之用。又大城陋例。每歲迎春。舊有彩棚臺閣。係鹽典商承辦。後商人折價典商二十四兩。

收令書

卷十五

保息

十七

鹽商十六兩。輸公發辦。余謂此無名之費。徒飽胥役之橐。非之又不足以明惠。乃令鹽商將每年十六兩充入養局。合前共六十四兩。不足再行量捐。典商卽令折交舊棉被十件。棉衣一百件。養局備用。經通詳立案。入於交代案內。常年嚴雪道。殫歲二十餘人。或十餘人。設局後。是年五六人耳。此事經制府核實。通飭各屬。然在得人常親到。自不虛應故事也。

粟毓美

見保甲書卷三

普濟堂並育嬰堂條約

一查辦宜覈實也。收養貧民。有普濟堂。政先堂。體仁堂。廣仁堂。養濟院。留養局。名目不一。總爲收養鰥寡孤獨廢疾貧民。而設凡

收養之初必將籍貫住址年貌及殘廢篤疾先由地方官捐刷呈式逐細註明親身點驗如果與所開相符卽註冊給與腰牌准其收養入院不得任聽書役代報捏稟以杜冒濫非意存苛刻緣少一名浮冒卽多一名實惠全在地方官實力奉行慎勿始勤終怠

一額數宜增廣也州縣收養孤貧准於地丁內報銷者每處不過數名及數十名不等此外或有官地官房收租或贖金交商生息經費有限而額數亦拘往往有因現在孤貧業已額足其陸續呈報者或因無項可支候缺揆補有候至數年而不得一缺者枵腹以待未免向隅應查明收養在堂者實有若干名報明

牧令書

卷十五

保息

七

未入堂者尙有若干名酌量增廣二三十名至八九十名均無不可在州縣每歲捐費不過數十金及百數餘金而窮民受惠實多若再能籌款生息以垂永久則受惠之日更長矣

一口糧宜親身散放也凡散放口糧各州縣有在初旬者有在下旬者須示以定期令貧民等齊集親領地方官親身赴堂點名發給如遇公出卽移委典史教官前往散放不得任令胥役及堂頭代領致滋弊端至老年殘廢或距城稍遠不能親到者亦可查驗腰牌准人代領但須查問明確以杜捏冒乾沒之弊

一捐給棉衣宜認真也各堂貧民隆冬皆散棉衣然往往委之胥吏託諸罔利之裁縫棉花則易新而舊減厚而薄甚至以敝衣

充數禦寒何資不若於冬初散放口糧之既當堂查問情願自行裁做者每名發給大布一疋棉花一觔不能自做者官爲製造務派誠實家丁認真稽查花須足觔布須足尺不得稍有尅扣

一器具宜周備也楚省鄖陽一帶居民近山者間有煖坑其餘或用木床或用地鋪各隨地方風氣而收養窮民木牀易於損壞應於修理院房時卽在屋內門窻之下兩面靠牆用磚修砌圍坑高一尺五寸寬三尺屋大者可住三人小者可住一二人貧民入院之初每人給草蓆一個或用稻草或用穀草另給麥秸一大捆蓆一領鋪設既厚則寒濕之氣不侵再各給粗碗一個

收令書

卷十五

保息

七

砂鍋一個粗瓦盆一個冬月屋門用草簾遮掛卷榻用厚紙裱糊以禦冽風此外如棹橙之類量爲置備各隨地方情形變通辦理並將所有器具造具清冊兩本一本存案一本交管堂人照料以憑隨時稽查如有盜賣毀壞情事地方官查明責令賠補至堂內尤宜灑掃潔淨不得聽管堂人等作踐躑躅院中須廣栽果木並楊柳樹株數年之後夏日既可乘陰避暑秋冬取材落實兼可添補柴薪

一男女宜分院也收養貧民男女切忌混雜如舊有堂院僅止一宅宜按計房間相度形勢應於何處立牆或分左右或分前後異院出入以別嫌疑而免混雜若本係夫婦宜另隔小院酌撥

閒房同室而居俾資團聚

一堂內宜整肅也向來普濟各堂院均有管門及孤貧頭堂頭等名目此種人役原爲經管堂務照料貧民而設徃徃有勾通書役捏名影射及勒索進堂使費尅扣廩糧凌弱侮老等情地方官須隨時體訪嚴行懲治以肅堂規

一育嬰堂宜並建也查卹孤保赤仁政所先不得因民間現無棄兒溺女之事並育嬰堂而遽廢之嗣後有堂者務須實力奉行無堂者亦卽籌款興建或先於普濟等堂女院內另撥閒房通融試辦如有將兒女送入堂內並呈報有遺棄者卽覓雇奶婦乳哺仍准其隨帶自生子女每月給工食錢二千文歲給帛布

牧令書

卷十五

保息

三

二正夏布二正隆冬加賞棉衣棉被以禦寒至嬰兒三歲後能食米飯先儘本身父母領回如父母已故奶婦仍願撫養者聽其自便如不願撫養查有親屬可依靠者呈明地方官責令撫養倘親屬貧難兼顧仍照孤貧之例支給口糧棉衣地方官不時存恤如並無親屬而民間有艱於子嗣願領爲義子並領女孩爲媳者由地方官確查實係良民准其承領具地隣甘結存案以杜轉賣爲婢爲奴之弊如該地方實無遺棄嬰孩此項經費卽作爲收養貧婦之需擴充普濟等堂之所不冗

一疾病宜醫治也貧民衣食不給寒暑不時易生疾病地方官應隨時查察如有感時疾患瘡瘍者卽責成官醫生調治務速優

加賞賚。若時疫流行，將患病貧民另置一院，以免傳染。

一施棺宜從厚也。貧民孤苦零丁，死亡誰問，應飭管堂人隨時呈報地方官，查無別情，卽捐給棺木。在於義地埋葬，毋許淺埋暴露。向來收養貧民，皆有發給棺木錢文，但恐虛應故事，或堂頭從中短批，全在地方官嚴切稽查，庶免有名無實。

一義地宜添置也。各州縣皆置有義地，爲貧民埋殯之所。然歷年既久，則葬無隙地，而堂頭地保草率了事，因埋新棺，遂棄舊骨，以致屍骸暴露，且有不肯深挖，旋埋旋發者。查掩骼埋胔，仁政所先。凡城鄉暴骨露棺，均應妥爲收瘞，不獨在堂收養之孤貧也。地方官亟爲添置義地，仍派誠實官親周歷查勘。

牧令書

卷十五

保息

三

一流民宜遞送回籍也。各州縣於普濟等堂之外，另立留養局者，原爲外來流民而設。查此種流民，固有游手好閒，不務正業，窮無所歸，亦有因投親不遇，或中途患病，一時旅費無措，流落異鄉者。此等人最遠者不過千餘里，數百里不等。每日所需路費，不過五六十文。地方官應隨時查察，按其道里之遠近，一併捐發路費，仍備文沿途遞送，酌給口糧。在流民旣可生還，故土不致流爲乞丐，轉爲盜賊，亦綏靖地方之一端也。

一籌備經費，修蓋房，間須通詳立案也。各州縣收養貧民，旣已盡心區畫，所有經費，如置產收租，流弊尙少。惟交商生息一項，間有地方官私自提用，日久漸致侵蝕。應將生息銀兩，曉諭各商

給以印照不得任聽官吏通挪私相授受違者著賠其房間應隨時補修不得任其坍塌每歲年終將經費若干兩院房若干間申報一次以備查核如能添籌經費廣設院房隨地隨時擴充辦理是地方官以不忍人之心實力奉行則生全者衆慎勿視爲具文而忽之也

葉

鎮 見治原

作吏要言

人皆知恤孤老而不知孤幼更屬堪憐荒亭廢廟虎豹蛇蝎莫知趨避爲上者宜四處訪查勸親屬領回撫養如無親屬或收養公所俟稍長可以營生遣之去庶盡父母斯民之道

牧令書

卷十五

保息

三

溺女不但傷風害理凡姦拐賣休買休及窮民終身不得一婦盡根于此女少男多流惡種種能爲立法禁革所關世道人心不須竭誠痛切告誡每經一處卽停輿聚父老子弟環聽之其欲歌欲泣情狀自躍躍不能已又設廣生簿首列示語給保正遍諭挨查遇生女者登記月日姓名月朔繳核負不得贖者捐給錢米小元令其暫時存養以俟人之抱養爲女爲媳公便按簿抽查犯者以法繩之並坐保隣二三年間積習自革卽地方遼濶耳目難周宜建育嬰堂收養要之民各具天良惟在上者以誠動之況事關天性尤易感格而又立法以隨其後不悞者亦希矣

陳宏謀

見保甲書卷三

育嬰堂條規事宜冊

一 堂內設立堂長司事也。查育嬰堂從前原設有堂長係廩生曹漢經管。看視嬰兒稽查假冒。并監散乳媪工食。該生實心好善。并井有條毫無弊混。實於善果有益。自該生故後。未經設立。以致有名無實。堂事廢弛。銀米冒銷。今應仍設堂長一人。令府縣慎選品行端方。老成好善。家道殷實之士。毋論貢監生員。許紳衿公舉。報明入堂。地方官優以禮貌。每月給以紙筆銀一兩。照例經管稽查。監放。該堂長管理三年。如果實心料理。該府縣并經管官具詳本司。給與匾額獎勵。仍設司事一人。專司并協同堂長照管一切事務。每月給銀六錢。亦令該府縣慎選誠實良

收令書

卷十五

保息

三

善之人報名充當。管理三年。實心協辦。該府給以花紅匾額。示獎。如堂長司事或有怠慢。徇私。經管官查實。卽詳報另擇分別示懲。

一 乳媪宜詳加選擇也。嬰兒之安危全在乳媪之保護。凡有願乳遺嬰者。令其夫至堂內報明。堂長親至其地。相其乳色。務擇年壯有乳之人。取兩隣結狀保領文約。將姓名居址年庚詳登號簿。俟有遺嬰按冊給養。從前乳媪多有住居堂內。但房屋無多。且有乳之婦。年紀未老。既無夫男同處。未必不生他隙。應照江南蘇州規例。俱令領嬰歸養。堂長每月密察一二次。有不得所

者。亟易之。

續賦事宜冊

一乳媪工食宜核定也查乳媪工食從前每名月給市斗米一斗五升多有吏役侵扣情弊而有米無炊亦屬未妥今每名每月酌給京斗米二斗五升銀三錢每月初二日經管官將銀米支送堂內眼同堂長按名散給并卽於是日將嬰兒抱赴堂內驗視是否壯潤潔淨以別勤惰

一嬰之來去宜加稽查也貧民所生之嬰願送堂內收養者不拘何項人抱至堂長驗明具報經管官一面卽將本嬰生庚年月日時是男是女并詢伊父母姓名居址入簿登記給某媪乳育亦卽於冊內註明如有道傍遺棄行路之人抱送入堂者亦查其懷內有無生辰八字登簿記明並設立竹籤上書乳媪姓氏

牧令書

卷十五

保息

四

居址及本嬰生辰年月手足螺箕疤痕數目用堂長圖記爲識領給工食時逐一查驗以杜混冒至於遺棄嬰孩大抵女子居多稍大卽有人收領若不報名查察不但乳媪仍冒工食且恐女子失身匪類嗣後嬰兒不必拘定三歲民間如有無子女之人欲乞養爲子女者預於堂長處說明堂長察其人非下賤家足饗殮者報明經管官許其領去好爲收養仍將收領之人姓名住址年月日期登簿查核并取伊或爲女爲媳不致爲奴作婢甘結隣佑保結該管官註册存案其乳媪工食卽行停支將籤繳銷毋得措索止許承領之人給乳媪扣布一對以爲衣服之需至僧尼等類來歷不明之人一概不許領養其領女之人

尤須於領結內書寫明白。至有將自己子女送堂，仍交乳媪冒混工食者，查出定將本夫重處。

一 嬰兒疾病夭殤，宜加軫恤也。嬰兒遺棄堂中，衣服必不能全。應春給單衣一件，兜肚一個，秋給布襖一件，并襪裙各一，皆新布新絮爲之。遇有疾病，應需調理。查普濟堂現有醫生一員，已經給有工食。應卽令該醫看視，其需用藥餌，應令堂長查明若干。服每服給銀二分。月終於經管官處支領，照數給發。至嬰兒或有夭殤，向來未經議給棺木，多致淺葬拋露。嗣後如有夭殤者，堂長驗明報經管官一歲給錢一百文，二歲給錢二百文，三歲給錢三百文。買備棺木，僱工深坑埋葬，免致拋露。乳婦工食停

收令書

卷十五

保息

五

支竹籤繳銀

一 錢糧宜加清核也。堂內收支數目，經管官每月造冊申報。仍於年底開造總數清冊，申送本司報銷。并令堂長將堂內收嬰若干，領去爲嗣若干，夭殤若干，現存若干，乳媪某人，第一名自本年某月日乳媪開支工食起，逐名如式開列。或領去爲嗣，並夭殤之嬰，於某年月日乳媪截支工食，逐名如式開除。造具清冊呈送經管官核明，繕送本司查考。

崇

綸 號荷卿滿洲正白旗人現任陝西鹽法道

陝西育嬰堂條規

一是堂大房三進，每進五間。第一進大門兩旁四間。住堂役及委員董事隨人

第二進居中正廳一間南首二間住委員董事北首通連二間作爲

官廳廳後南首井堂一厦北首茅房一厦南北房八間安設房茶爐

並廚役人內堂門裡南北房八所每所三間一連住乳婦六名

等居住一名每所房門懸粉牌一面書明乳婦姓氏嬰孩姓名如有更

時改一名上正屋五間中設聖母堂三間兩旁耳房各一間各住

一名乳婦一名嬰孩二口共住乳婦五十名哺育嬰孩百口內堂南首茅房

七間北首偏房五間存貯物件並防有

一 是堂事繁人眾防範宜嚴監道總理其事每月到堂稽查一次清軍廳爲

專管官每十日到堂稽查一次再由鹽道委精練老成勤幹佐襍一員每

送薪水錢八下約束眾人照料諸事願否宿舍聽其自便每日必須親到每三日同董事

牧令書 卷十五 保息 美

進內堂門逐號巡察功過當時註冊嬰兒安否乳婦優劣倘所

犯情節較重者回明清軍廳懲辦如委員果能任勞任怨經理

一年由清軍廳查明稟請鹽道移司獎勵

一堂中事務繁瑣由眾鄉紳公舉老成廉潔董事二位每位每月

千每日薪水錢二百文如目下安東脩錢五

人難得暫延幕友與委員公辦經理出入銀錢詳細登簿公

同委員按日算明每月結總送清軍廳稽核每年終統共結總

造册呈鹽道一分清軍廳一分本堂一分存案備查並隨時約

束內外男婦必須常川住宿遇有要事不能常住准其

一 堂外看守大門須派老成差役二名由鹽道選派一名清軍廳

八十文自

稽查出入接遞嬰孩攔阻閑人傳稟事件如有送嬰

來堂卽時報知委員不准遲悞需索錢文犯者必究

一堂役應擇老成勤練之輩方准投充須僱厨役二名每名每月工錢一千

五百文不准偷減火夫二名每名每月工錢一千文管理燒茶食物違者重懲

打掃夫一名每月工錢一千文兼帶挑水買辦一名每月工錢一千文內雜差俱當服役均

應遵奉委員董事約束毋得擅離悞公如有舞弊滋事若酗酒賺錢偷物懶惰等

情查實嚴懲逐換決不寬貸

一首嫗爲眾婦之統屬所係匪輕全憑查察周詳乳婦有無口角

充足並小心秉公任事督率眾婦用心撫養如嬰兒飽煖饑寒

各房火燭乳婦食睡覆壓等情方能保全嬰命今堂內人多事繁必須擇舉首嫗二

名各分字號以專責成每名每月月費錢二千文點心錢三百文如非勤練老成曾

牧令書 卷十五 保息

生子女者不准充當至號內什物如乳婦鋪蓋動用器具每

着令照派管理准各僱僕婦一名以備日飯菜並嬰兒衣服等件應

掃每處給竹掃帚一把以期望潔淨倘有違悞堂事以及得受乳

婦賄囑隱匿作弊情事有礙嬰孩者定行革退

一僱募乳婦爲嬰兒生死之所寄選擇尤宜慎重凡有投充者或

由官媒婆引薦先擇老成官媒婆一名着其預先留神如僱乳

或其夫男及親人挈來俱當報明姓名籍貫住址生業本婦氏

某若干年歲如在三十上下體壯乳足者爲合式不滿二十者

就衰乳必不充及不論年有無翁姑子女只註册不准進堂

歲黃瘦有病之婦概不濫收如子女未及斷乳者准該乳婦於投充之日報明攜帶進堂只乳堂嬰一新胎所

口工價減半并察其有無偏愛親生子女以酌去留

產者何年月日。新產子女是否因病不育或別家抱領爲螟子
子女也。其出堂例應三年須從分娩之日 詳細查明並驗明
扣起不能由進堂之日扣起以滋流弊。日後乳水漸少卽行
目純善身無疾病乳漿濃足方准投充。更換每僱一婦將堂內
嚴規告其夫男。按名註冊派嬰哺養 殘疾均由委員董事分派
知悉釋其疑慮。不推擅自擇領每名每月工 如婦已滿額再有投充者亦記名
錢二千文點心錢二百文。在外候缺挨次派補

一乳婦一名哺育二嬰未免多勞鮮逸一切瑣事恐難兼顧當另
僱勤幹僕婦八名。每名每月工錢六百文 每所一名幫同乳婦照料各事
各乳婦不得以僕婦視之如查有懶惰不作卽行革退至竊取
物件及隱匿作弊情事定當送縣懲治決不寬貸。

牧令書

卷十五

保息

三

一胎嬰送堂由委員查明來歷。如姓名籍貫住址年庚嬰父生業
路旁檢送或夜間棄擲門外者無從稽查先於聖母座前設
一籤筒分書百家姓字樣於籤遇此卽於神前虔卜拍籤爲
姓其年庚卽於進堂之時作爲生年月日至於命名有無疾病
男嬰以金字爲排女嬰以玉字爲排臨時委員擬取如胎紅胎黃急驚慢
驚鴉口油瘋等類面貌肥瘠能否吮乳外症易驗內症難憑
知一並一切殘廢者詳細註冊派婦領養如兩歲以外已能飯
食以及病重待斃正出天花者概不收留倘於夜間送嬰來堂
者當先於大門旁設一轉桶上繫二鈴。一達董事住所鈴響該
門役卽起驗看收抱速稟董事照收不得遲悞。

胎嬰進堂或由鄉間襁負奔馳或係城市路旁檢拾風寒暑濕
感受已深一經入堂先宜去其外感。用葱白三寸豆豉七粒生
薑一片煎服或來嬰尙未

落臍者卽用掩臍藥少許洒在臍中，四圍用飛過明礬末，上蓋棉花油紙，再用長裹肚包束堅周，俟臍落之後，不用藥，仍用棉花油紙護臍，裹肚包束，若來堂已落臍之嬰，則用棉花油紙裹肚，其未落臍十日以前，不准乳婦任意揭看洗浴，倘當落臍之時，嬰兒啼哭，可令乳婦於炕上遮風，暑揭些須，切勿透風，若只落一半，卽忙用棉花少許墊平，俟臍落去，仍須裹束，切勿透風，以損嬰命。
清其胎垢：須用人中黃川連，淨其胎垢，每日早晚用熱水，面下部夏日尤宜洗浴，倘有遺溺，脫臍，方保平安，倘有疾病，瘡污穢，以致破膚瘡疥等事，立卽草退。

瘍痧痲痘疹：責成首嫗，無分晝夜，卽報明，委員請醫療治。每車禮錢壹百五十文，倘醫無效，另行擇請，凡遇痲痘疹，必移住北首偏房，以防傳染，至種牛痘，均不避忌。
冊：如某號某嬰，配發藥料，藥料於著名藥舖立摺取用，監視熬成灌服。責成入號監視，務令服完，甚至天殤，責令首嫗無分晝夜，卽報明請委員下號驗看，曾否報疾醫治，委係粹病身死，如有疑竇及貪睡，覆壓必提該婦送縣查明分

收令書

卷十五

保息

五

別懲，然後給故具裝殮送埋義塚。用木匣一個，將本嬰隨身衣服妥爲掩埋，其掩埋款式另列於後。
詳細註銷

一 嬰兒既經送堂，卽本生父母不准再來看望，設有疾病夭殤，或經他人領去，一概不得與聞。

一 是堂另設有施種牛痘局，局內延有良醫，携種待佈，其法嬰兒滿百日後，但無瘡癩癩癰皮濕血熱疳積等症，便可引種。多則少則，四顆種後亦不發熱，三四日方出痘尖，五六日起如小泡，六七日卽灌清漿，八九日漿水滿足，半月痲落，永無後患。
乾痲送還本局，留爲引種他嬰之用，其中最要者，種後數日，務須抱嬰再請原醫看視，去淨其毒，倘不請看，恐留漿未放，毒氣不淨，日後必生惡瘡痘毒之

患除外來諸嬰隨時施種外凡堂嬰過滿百日未出天花者均由痘醫生察驗引種若種時或生他疾則另請著名嬰科療治以便彼此奏功

一 嬰孩二口待哺婦乳水雖充猶恐不足一歲以內早晚兩次

添哺米湯泡蒸饅半個共計二兩不週歲以外日添蒸饅四兩

斷乳後斷乳以兩歲為限須視嬰兒強壯無疾三歲至五歲日

給蒸饅半筋俱責令首嫗分派倘乳僕等婦自行偷食一經查

出定卽革退

一 嬰兒斷乳後先着首嫗撫養照管衣食起臥計首嫗二人可撫六嬰如

年久嬰多撥給衆僕婦分養每僕婦分養一二嬰如嬰兒過多難以兼顧必隨時添僱僕婦另修

牧令書 卷十五 保息

辛

房間所添僕婦各養四嬰誠能視同已出壯實無疾者每月獎賞按嬰賞錢一百文

倘有凌辱疎忽等情概不給賞並送縣懲儆

一 嬰孩薙髮除嚴寒大風及嬰疾之時不薙外春夏秋每月二次

冬令一次應着僕婦抱至前廳輪薙男左女右各留頭髮一撮

以示區別俱以六歲留頂女嬰以十二歲滿留

一 嬰兒無論大小有願領男作子領女作女及為養媳者俱准至

堂報明姓名籍貫住址生業委員董事稽查來歷卽領至聖母殿

前集齊衆嬰聽其擇領為子女者每名出錢二千文如實係貧家抱為養媳者免其出錢該嬰

衣褲等物留堂備用當卽註明檔册取具身家清白不致凌虐

販賣字據及鄉保甘結倘鄉保措索准在城鋪戶代為出結卽由堂中給予執照

蓋用清軍廳印

臨時委員親自領取毋得假手書吏

庶日後不得藉口驅逐俾堂

嬰長大不至失所其有紳富官幕願領為奴婢者除殘廢外則

於聖母殿前分設男女簽筒書眾嬰排名抽掣給領一體取

結予照每名出錢三千文與領為子女者所出之錢均一半倘充補經費備殘疾拜師之用一半給乳婦堂役諸人

有假作子女養媳奴婢貪利掠賣歷長為賤等事一經查出定

卽送縣嚴行懲究三歲官願前注姓皆星小住莫以欲謀本

一男嬰除人願領撫育外其餘養至七歲令進義學讀書如義學未建卽

就附近蒙館酌送脩資飯食及書籍紙筆費俱交學師管理每嬰每月飯食錢一千五

百文書籍紙筆費按季送錢五百文冬夏衣被由堂送給讀至十三歲除材可上

進堂中按年管顧衣食外至十六歲成丁後堂中一概不管各量其材妥為安

收令書

卷十五 保息

置由堂造册送縣牌諭紳耆鄉保人等代覓棲身之所或幫人

耕牧或為人服役或從師學習手藝其學手藝者每人給拜師錢一千文不管衣食其餘耕牧服役者衣食錢文俱不管給均於何年月日何人引薦何師

教習詳細註册並取薦主中保的証甘結三分一分呈鹽道一分呈清軍廳一

分留存案應爾耕官其籍變至十歲令養義學歸清軍廳

一男嬰殘瞎養至十三歲有願領去教習星卜卦算以為將來倚

靠養老者准其報明姓名籍貫住址生業取具本人及族房隣

保甘結給予執照一紙自領之後每月朔望帶同來堂一驗每

驗給錢一百文錢以五個月為止如有不善教養者斷不給錢

其餘殘疾嬰兒概以養至十三歲卽行出堂或令男女殘暗相配亦可自謀

生計各給謀生錢一千文或撥往養濟院以養餘生不令濶口艱隘

女嬰除人願領撫育外其餘養至八歲着首嫗僕婦教其紡績
縫紉至十三歲確訪妥人擇配取具本人身家清白及隣保甘
結三分存案註銷檔冊

一乳婦俱屬壯年防閑必須嚴密內堂門終日內外扁鎖鑰匙交

委員董事收執除委員董事查號驗乳稽查一切之期並收送嬰兒更換

乳婦及要緊事件委員董事眼同首嫗開鎖事畢卽時封鎖餘時不

准擅開兩旁設立轉桶二個內柵外點凡早晚飯食及內外所

需物件俱擊柵點報明某號由轉桶交遞外堂夫役及內堂各

婦不得在此閒談其交遞之項亦不得遲違錯亂或每號各設一牌以爲進

出照驗
更便

收令書

卷十五

休息

三

一乳婦如有父母翁姑夫子女並一切親屬來堂探望准門役

回明委員董事卽傳點令首嫗帶領該婦在內堂門隔柵會話畢

卽回月只准一次多則門役不准代回無論男女一概不准進內堂門

一乳婦告假每兩月只准一次必遇緊要家事方准告假出堂時責成首嫗搜

查堂中各物不准絲毫攜帶一日不得越二人之數所乳嬰孩分托同事

二人代爲暫乳至晚卽歸不准在家住宿來往須親人伴送不准獨行

一乳婦每於乳哺之暇遇事亦當自行動作不得概委僕婦並可

藉縫紉以爲生計如堂中應備嬰兒衣褲襪履等件准其呈請

代成卽由董事核定物料工價若干按件發給倘貪利而悞乳

哺定行革退不貸

一乳婦性情懶惰膜視嬰兒無故打罵或不留心常時跌碰等情立即革退如栽跌損傷致成殘廢不論有心無心送縣懲治

一乳婦設遇所哺之嬰兩口俱殤查得別無疑竇與本婦無干該婦向能善視嬰兒而又自願在堂受僱者稟明委員酌留堂中

查有乳食不足之嬰着其分哺工價減半其殤一嬰者工價亦減半俟有新收之嬰補額再為照例全給

一乳婦有病應稟明委員請醫療治每次車禮錢一百五十文視病勢之重輕分別辦理輕者准在堂就醫藥料堂內照單取給重者即令夫男等領回

將所乳嬰孩派婦代乳速喚官媒婆另僱乳婦接育

牧令書

卷十五

保息

三

一 二名打掃夫買辦各一名共計內外男婦六十八名其餘俱不

供給

一堂中每逢春夏之交多燒蒼朮大黃並置貫衆於水缸內以辟

濕氣暨瘟疫傳染

一 內堂門外設茶爐一座堂中內外茶水俱責令火夫經管均用

熬茶勿得有缺每日給湖茶葉半畝

一堂中所置埋葬殤嬰義地現交佃戶承種每年不納租稅以作

埋葬之費並立約存堂包管掩埋掘土五尺封固壘塚繪圖存

照有塚之地不准復種如塚多地少無甚出息當隨時酌予工資以後挨次葬滿交

地抽約再行另置地畝

一堂中各項簿冊銀錢出入總簿一本委員薪水董事束脩薪水簿一本夫役人等工食簿一本乳婦工食簿一本首嫗僕婦工食簿一本以上各人姓名籍貫住址生業及何人引薦何年月日進堂均於各簿註明收嬰檔冊一本乳婦鋪蓋及嬰兒衣服等件簿一本各廳房器具簿一本火食簿一本各婦功過簿一本日用流水簿一本

一是堂經費均屬官捐出入必須登記分明除營建堂屋置辦器具義地等項已經用出外另有清賬其餘發商生息之項立一總簿註明某年月日發給某號典商銀若干每月應得利息銀若干按季交給某號錢鋪憑摺支取由清軍廳總管每逢朔日委員董事查明人數多寡核算用度多少尚清軍廳酌量支取錢文按照條規支用隨時登賬送清軍廳一月一查以期

牧令書

卷十五

保息

書

功歸實濟費不虛糜

一堂內各號往滿後或尚有送嬰來堂查其情狀實難推却抑或

貧夜潛行拋入者應交記名投充乳婦在外寄養另立一冊登記月日及嬰孩旋髮箕斗有無痣痕一婦只養一嬰如現無記名乳婦即另覓乳足之婦分養其工資月給錢一千

文冬季給嬰兒花布錢二百文着每屆朔望日抱嬰來堂驗看照數分給俟

堂嬰缺額將寄嬰按冊挨補入堂寄養乳婦工錢停給如堂婦有須更換

許該婦等順次進堂頂充一切悉照眾堂婦辦理惟寄養若干名口必視

經費羨餘隨時酌定又或寄養之額亦經足數仍有如前送嬰

來堂者則速覓在外願領之婦暫行領乳俟前次寄養之嬰得

補入堂准即按名接補給以寄養工資

補入堂准即按名接補給以寄養工資

一堂中諸事必求周密而用度浩繁經費實有難敷現雖賴官場捐助粗有規模揆諸遠大之功尙未逮也所冀仁人君子樂善好施陸續來堂捐助所輸若干每屆年終泐石以彰善行俾經費漸得寬裕堂後尙有清軍廳西隙地儘可添蓋房屋並可設立義學施舍棺木等件以推廣此心而完全善舉則是堂爲不朽矣

朱

見治原

作吏管見

育嬰堂乃慈幼善政欲禁溺女此爲要策細思人之溺女原有二種貧窮小戶苦於目前撫養之難不貧之戶慮其日後嫁奩之累遂致忍心溺死收入堂內所僱乳媪非其親生痛癢不關常致疾

牧令書

卷十五

保息

三

疫不能生全且乳婦受僱入堂自己子女不能兼顧若許隨帶親子必不均平周到且乳婦住宿官堂往來出入稽查稍疎嫌疑易起莫如查其實係貧乏小戶生女者按月酌給衣米聽其自己撫養病亡者停給母女天性痛癢相關自多生全在本婦方靠此女月領衣糧日必更加愛惜或一年或兩年即可給人爲養女養媳第一州一縣之內幅員遼闊似難周遍惟有選擇好善鄉耆廣爲勸諭以佐不逮其給養多寡總以經費而定仍造姓名冊冊止須好善首事者數人不時登門查驗面給衣糧有假冒者稟官將本夫責處至不貧之戶原非力不能養須責成鄉保查有能養而溺者量罰銀米給養別女將建堂蓋房僱乳媪看堂工食一切雜

費均爲節省儘充給養之費。凡耳目所及果能實力行之人見其收養實在更樂捐助即可推廣多養收養有成聽伊父母給人爲養女養媳有等來歷不明暗地送堂之子女則另選附近貧婦之良慈者交其領養給以衣糧不時查驗以防凌虐長成者給以獎賞各省有好善紳士如此舉行者官師其意而推廣行之所以濟育嬰堂之未及而溺女不禁而自止也。

葉

鎮 見治原

作吏要言

掩骼埋齒仁政所重近日停棺淺厝所在皆有或溺于風水之說當亟破其疑若果無力營葬亦令立期限責成者約查察押埋至

牧令書

卷十五

保息

美

無主者令該保結報官爲埋葬義塚於教孝之內亦寓錫類之仁註曰有主有力之棺勒限葬埋有主無力者官量捐費押令掩埋無主之棺或有寄放閒房寺廟或有淺厝曠野堤岸官爲遷於義塚簽記以待搬取在城郭者年底巡查一次分別掩埋在鄉者責成地保報官或委佐雜前往查明押埋有紳士施棺代理者官爲獎勵地方官平時巡歷所到仍隨時查問遇人勸戒則暴露者亦自少矣專責鄉保結報仍恐虛應故事或藉端滋擾

陳宏謀

見保甲書卷三

掩骼會事宜冊

一掩骼會從前遇有窮民身故必令赴官投遞報呈差人查看鄉保回稟往返耽延必至二三日方得備棺領埋死者急不能待每多藁葬今應責令兩城總約及保甲遇有身後無人貧苦不能備辦者告知鄉保查實具報經管官支領棺木并給擡埋人夫工錢四百文星速眼同殮埋仍將死者姓名住址年月日期登明查考毋許稽延如有措勒耽延經管官查出重處

一掩骼會需用棺木應令經管官每年預先動銀製備數十具一半存貯南城一半存貯東城擇寬敞寺廟存貯令兩城總約及保甲經管以備臨期支領經管官仍於年底將動用銀兩製備棺木若干掩埋人數姓名住址逐一造冊申送本司查核

收令書

卷十五

保息

三

王士俊

見治原

埋骼掩骼

按埋骼掩骼亦王政所先死者不歸尺土猶生者不庇一椽也漢周暢葬洛城棄骸而澍雨降孔融埋四方遺骨而歌頌興皆河東往事也余宦轍所經輒捐俸錢置義塚立明界址線以土垣凡寄碁遺櫬俱別男女鱗次深埋編列字號姓氏籍貫標立木籤林植塚上另給一冊即可勘對以便給領毋許收放牛羊種植蔬菜兼視標籤之字畫漫漶者土封之風雨淋蝕者窟穴之狐兔出入者按取地保看守無悞結狀貧民無力營葬俱許附阡所以消疵瘡而贊庥和不無濟云

牧令書卷十六

教化目錄

學校要言

王士俊

廣化誨貝

陳宏謀

手札節要

陳宏謀

作吏要言

葉鎮

答萬言問

許三禮

講約十則之一

與所屬牧令書二

程含章

廣教化

王鳳生

牧令書

卷十六 教化目錄

教法

王植

三省邊防備覽策略

嚴如煜

律例須知弁言

葉世偉

圖民錄

袁守定

教民

汪輝祖

未信編

潘杓燦

作吏管見

朱

作吏要言

葉鎮

勸戒

王士俊

民禮

王士俊

作吏管見

朱

作吏要言註

朱

一得偶談 田翰會對

王有孚

告諭

汪輝祖

居官格言

熊宏備

圖民錄

袁守定

嚴禁迎神賽會以正風俗事

田文鏡

禁敬俗

黃可潤

勸戒

黃可潤

敬俗

王植

敬令書

卷十六

教化目錄

二

求才

陸世儀

教士

黃可潤

紳士

王植

治士子干訟 五風

汪輝祖

紳士

王鳳生

紳士

何耿繩

作吏要言

葉鎮

通查義學租田館舍檄

陳宏謀

義學規條四則

陳宏謀

義學規條

栗毓美

義學條欵四則之一

倪珩

考試點名除弊法

徐文弼

攷令書

卷十六

教化目錄

三



清江雜錄續編卷之六
卷之六

卷之六
續編

牧令書卷十六教化

安肅徐棟致初輯

富而後能穀民之道也。畜而受以履政之經也。既養言教以教全養，尙有異義哉。

王士俊 見治原

學校

古之教者家有塾，黨有庠，州有序，國有學，所謂學校至不一也。然國學有司樂司成爲主，教事而州閭鄉黨之學則未聞有司職教之任者。唯考之周禮，地官所載有黨正各掌其黨之政令，教治孟月屬民而讀法，則以禮屬民。州長掌其州之教治政令，考其德行，牧令書

卷十六 教化

一

道藝糾其過惡而勸戒之。然後知黨正卽一黨之師也。州長卽一州之師也。以至下之爲比長閭胥，上之爲鄉遂大夫，莫不皆然。蓋皆黨正等兼領之而未嘗另設一官矣。後世牧令責重事繁，欲其兼司秉鐸之任，勢有不能。而博士文學等員所司者青矜子弟耳。鄉村賾俗不得過而問焉。民亦不甚尊禮之。非守土君子爲之葺學舍，則學舍頽爲之嚴規條，則規條廢。兼士與民而擦縱焉，非牧令之責而誰之責乎。

陳宏謀 見保甲書卷三

廣化誨

一州一縣地廣人多，官長不能常與民相見，遂至官民隔絕。若非

告狀到官。比糧到官。不能見官長一面。何從得官長一語。平時不知官長禁令如何。迨其觸犯。按法處治。豈非不教而誅。甚至聽訟比糧之外。仍無一語教訓。而曰民不可教。豈非不平之論。本部院欽承 德意。現將地方風俗利弊。刊示曉諭。各州縣務將示本分。發各鄉約社長人等。令其轉告附近郵民。該州縣每遇因公下鄉。路過郵庄。傳齊小民。將示內條件撮綜大要。詢問情形。諄切面諭。并令轉相告諭。回時經過郵庄。亦復如此。下次經過。仍申前諭。并問近來情形如何。遵從者獎之。不率者戒之。其有孝弟廉節樂善。任卹之人。詢得其實。或給匾額。或當衆稱誥。或量賞銀米。或給帖免差。或詳請優獎。以示風勵。有爲衆所共惡之惡人。亦卽傳來嚴

教令書

卷十六 教化

二

切警戒。或每次下鄉經過郵庄。俱當如此。附近有郵庄。不妨迂道一往。不可隨去隨來。急遽回署。有告狀者。如係口角。可以當面剖解。如係田土。可以乘便往勘。果能問明。卽爲釋結。旣免拖累。更彰勸懲。如事涉疑難。非當下可辦。帶回另批另辦。經過庄稼。分別勸惕。當面勸戒。有應行之井渠水利。亦卽隨往相度。比糧審事。事完令原被跪齋。將本案是非利害。以定斷情由。曉諭一番。以免翻控。以儆將來。或推廣泛論。指點勸戒。切不可急急退堂。不肯稍爲存留。惟恐與民親近也。凡與紳士相見。亦當剴切曉諭。隨機勸戒。俾知感發。公正立品者。以禮延接。虛懷相訪。其有把持滋事。以私干者。自可拒絕。向後不復相見。可以示好惡之正。卽以此廣化導之。

益始而官與民相知繼而民與官相信其中大事化小小事化無
良善者有所感動奸惡者亦知畏懼弭患未然之計莫善於此所
謂日計不足歲計有餘者也至於官之行已邪正作事公私有時
可以瞞上官而偏不能以欺愚民百姓經云其下畏而愛之畏愛
在民而可畏可愛者仍在於官惟有言動悉依禮法內外同矣潔
清而其關切境內之民實有一段纏綿愷切之情其下自必有敬
信服從之實此反求諸已又在化誨之先而不僅以色取者也當
與諸君共勉之

手札節要

居官者惟以缺地之美惡定宦途之順逆旣蒞其地遂疾視其民

牧令書

卷十六

教化

三

不以爲民不知恩則以爲民不畏法而民亦從而腹誅之上下交
疾而治道不可問矣夫一門之內倘復頑良不一何況一邑何況
一省正惟人有頑良也故設官以治之官其地者當與其地之人
情苦樂風俗美惡有不容已之情誼有必當盡之職守早夜孜孜
求所以轉移化誨之道戒之用威董之用休善政於是乎出國奢
示儉國儉示禮善教于是不興所謂有不忍之心斯有不忍之政
也動謂民不知恩盡先問已之有恩與否動謂民不奉法盡先問
立法之善與否居常持此以自勉並勵僚屬大率解此者猶不失
爲循良之吏

寄張侍御考書

邊地民愚獠獠尤甚然凡民具有天良恩信所孚自能不勞而理

每見官蒞其地輒先有厭薄之心甚則有嫉惡之意爰母斯民之謂何朝廷設官爲民之謂何果能休養化導有一段實心實力而民頑如故然後責民未晚也寄儲起綸書

官民雖有尊卑而天良原所同具居官者倚勢作威不以良心相感徒以法術爲籠絡雖可欺於一二人不能欺於千萬人無論內地邊方此心此理均屬相同也寄崔善元書

法禁于已然教施于未犯就鞫獄中得其致此之由而隨時指點因人化導一時似難見功久之必有移易平時視教字爲迂闊動謂人不可化誨殊不知世間不可化誨者原自有人而可以化誨者畢竟爲多可牧之官平時無一點懼民不善之心又無一句勸牧令書

卷十六 教化

四

民爲善之誼直待犯事從而加刑未刑之先如何不至誤犯既刑之後如何不復再犯均未之計終非弼教之意寄周人驥書

葉

鎮見治原

作吏要言

留心教化者隨事隨人皆可勸導如審理事件就案內人依傍本案推廣言之凡孝弟忠信禮義廉恥之行俱堪觸發他如下鄉查辦公事於稠人聚觀之地亦復如是勸導計一歲中經吾面諭者不下數千人而此數千人輒轉傳播不下數十萬人相與鼓舞風動是蒞事臨民無處非教化正不專恃朔望講約爲移風易俗之具也

許三禮 見農桑上

答萬言問

甯之人失教久矣。祖先父母前多不行叩拜禮。雖元旦生辰亦然。卽見神廟祠前俱止一揖而去。涖任來教之。每朔望叩拜祖先父母。已背者置主行之。先從衙門書役教起。使知祖父之尊。見親親之義。又不行古講鄉約事。小民焉能見。朝廷而知尊。涖任來躬率紳衿耆庶開講古鄉約。先朝拜而後講聽。又令各圖製。聖諭牌。每朔望鄉耆伍保照儀開講。亦先行朝拜禮。俾眾百姓肅然知敬。朝廷之禮。見尊尊之義。又甯之士每年兩丁大祭日。不到泮宮執事行禮。聞之。浙省在在皆然。蓋吾黨根本之地。如此滅沒。從牧令書

卷十六

教化

五

何知尊師重道之典。涖任來與紳衿約。每丁先齋宿文廟旁。各件修整。今竟士子爭以職事爲榮。鄉紳穿朝衣捧香帛依期列班。而拜突見宗廟之美。百官之富。翻然改觀。人人知敬聖尊賢之義。又學宮之中。久不行鄉飲酒禮。涖任來復此大典。申詳公舉行禮。歌詩見。朝廷慎重大賓之典。忽然再覩。人人知敬老尊長之義。又簿書之冗。欠不行勸農大典。涖任來每逢春月。詔各圖父老輪詣公堂置酒鼓吹勸勉尊。朝廷講。聖諭勸民輸義穀。并傳教朔望各叩拜祖先父母。俾處處都知尊君敬親之禮。見古民牧與小民勞勸之義。又甯之俗除祈禱雨晴外。如日食月食不救護祀土。穀祀山川不成儀。涖任後每事講求。諭父老曰。天地生成之恩。如

父母然譬父母有疾痛子則呼天搶地以救之然後子有疾痛則呼父母理當然也食不救護祀不成儀是天地父母恩不知報災不知愁漠不相關之甚一遇水旱輒呼號以禱之情耶理耶爰令必誠必敬闔邑舉行俾人人知敬天災恤民隱之禮見古先王報本反始之義之數者大綱指示早已著之行事其實敬天勤民忠君孝親與夫養老尊賢重農興化種種精義何一不具獨是深者見深淺者見淺誰謂鈍根人講不得上達之道耶

講約十則之一

講約每於觀廟者非但空閑之所便於集眾實欲鬼神法度相維
教令書

卷十六 教化

六

設教而有司之不法不平亦不可以對神明本縣反躬自訟飲一滴食一粒盡爾輩脂膏原非取之梓里而謬膺豈弟之任何善可以甦民借此赴講之期一一進爾輩面教之良爲一快此來視尋常官民之分不同我卽爾輩師爾輩卽我弟子特命之揖拜習禮雖短襟露肘一如士子之儀正以士君子之道待爾輩爾輩亦無以鄉人自待有司扶弱抑強三尺者不貸之刑書試看干名犯義有不執而懲之者乎衙蠹土豪有不逮而坐贓者乎予少時卽不欲作州縣誠不能以鞭扑度歲月鞭扑豈快活生涯而我日爲之初令東萊卽命一書記專錄刑杖笞之曰慎刑錄每夕檢閱惟恐誤責一夫自受事之日至出邑之日一板不遺竹刑之壞者收付

工房姑以竹刑計蓋在縣計二十月而壞者計八百條至今追思如負芒刺願爾輩息忿止訟若兩造一具卽唐虞之時臯陶爲士亦須鞭作官刑安能爲之曲貸也

程含章

見治原

與所屬牧令書二

孟子有言愛人不親反其仁治人不治反其智禮人不答反其敬旨哉何其言之親切而有味也夫地方官之化民條教號令皆不可缺而要莫備于聖諭廣訓十六條司牧者誠能與吾民講明而切究之朝漸夕摩其爲裨益豈淺鮮哉雖然非謂發一號施一令胡望講一上諭而民卽無不化也有其道焉有其心焉清心

牧令書

卷十六

教化

七

寡欲以端其本勤理詞訟以恤其力農田水利以裕其食振興學校以啟其源敬老慈幼以立其則旌善懲惡以發其機凡所以教養斯民之道無不盡也而又懃懃懇懇隨時隨地隨人隨事莫不有以化之暇則親歷鄉村率其紳士耆民講讀上諭教以孝弟忠信和睦鄉隣約束子弟之道卹其饑寒問其疾苦此村而然彼村而亦然一日如是終歲而亦如是凡所以教養斯民之心無不盡也如是不懈則民宜無有不化者矣尙有不化則是吾化民之道與心猶有所未盡也反而求之愈盡吾道愈盡吾心本之以誠持之以久彼民也心非木石安有不從吾教者乎其尙有不從者乃真頑民也鋤而去之母稍姑息則吾之境內如人之一身血脉

流行呼吸一氣而無有窒礙其間者矣。此其道吾嘗得之於堯昔者。堯使契爲司徒。命之曰勞之來之。匡之直之。輔之翼之。使自得之。又從而振德之。夫堯以如天之德。又有聖人之契爲之臣。而其教民之委曲詳盡。猶如此。設堯並無如天之德。並無聖人之契爲之臣。吾知其教民之委曲詳盡。尙不止此也。唯其有如天之德。又有聖人之契爲之臣。而其教民之委曲詳盡。猶如此。此所以成時雍之治。而爲萬古立隆之帝王也。今諸君能有堯與契萬分之一乎。而謂能發一號施一令。朔望講一上諭。而遂能化民乎。又况乎不發一號不施一令。朔望並不講一上諭者之比。比然也。曾不自反動曰。民不可化。嗚呼。豈真民不可化耶。其真不知化民者。牧令書

卷十六 教化

八

王鳳生 見保甲書卷二
廣教化

民本愚也。居官者無以伸其教。何以化其愚。然必先有以服其心。而後可使之率其教。非徒事文告科條。便可家喻而戶曉也。亦非沽名邀譽。以權術馭之。遂可心悅而誠服也。惟痼瘕在抱。出以至誠。如節民之財。省民之力。隨時隨事。只期吾盡吾心。而耳而目之。默識潛窺。不啻深情若揭。偶值旱潦之際。暑雨祁寒。或未禁屠。而先茹素。或甫請禱。而先宿壇。凜然惻然。確有休戚相關之意。時流露於動作詞色之間。雖强悍之俗。向藉以持其短長者。亦無不感

激涕零變挾制而爲體諒。衢歌巷祝皆可於無心時證之。再於平時敬刷。聖諭廣訓頒發各鄉紳士咸奉一編供於寺院或宗祠公所官爲擇一二貧士操土音而善講解者。按月從優捐給薪水。每值因公下鄉之便。挈以隨往。經過村庄先飭地保傳集紳耆諸彼等候官到。率同行禮。禮畢與之席地而坐。令講生立臺上敬謹宣講。總期善體俗情。使易動聽。鄉民必觀者如堵。至他鄉亦然。蓋人情非其習見則耳目一新。輾轉傳聞未必不與人心默有關係。雖移風易俗非旦夕可期。然偶有勸募等事與他邑同舉。而此則一呼皆應。咸樂趨承。彼則不信弗從。羣相推諉。難易懸殊。卽其明

驗。

教令書

卷十六 教化

九

王植

見治原

一

教

法

一

教

法

一

教

法

一

教

法

一

三代而下無教法。屬之教者設義學。宣上諭而已。然卽宣上諭一事而實力推行之亦必有效。余嘗演上諭通俗解以俗言敷衍廣訓之文。令講生以土音宣諭聽者頗知領略。新甯尹王君嵩每次自講一條。反復開導。余以口音不對不能爲也。初至約所令八九十老民得坐于紳士之後一體吃茶。但不許稟公事。講約時令平民立聽。講畢後從容片時問地方利弊。問貧民能力田養親者。能讓產者。能恤寡嫂孤姪者。四五代同居者。力建家廟義田宅者。修建前賢祠宇者。皆置籍記其名。並註舉報者之名。以備確

核問年逾九旬安分無爭孀守逾二十年事親撫孤教子者近者
召見或給匾語歲一頒牒以榮之問社中閉戶讀書暮年苦學屢
試優等者爲誰修橋梁道路周恤里黨者爲誰皆籍之問有建社
倉立義學者爲定規條立教法若案犯中不孝不義邪教惑民者
唆訟者行竊者賄者淫者亦置一籍于約所一體令其跪聽俟三
年之內實能改悔社內有保任者方與除籍近約處所有淫祠廢
廟令呈明改爲義學如私建庵院迎神賽會打醮施僧者卽上
諭中所謂異端也杖其人毀其所建之淫祠所存之經籍以示民
知所趨向皆推廣訓之意實在施行之法也余所經行處聞讀書
聲輒入少坐觀其子弟視其所讀何書指示之遠出宿寺廟中住
牧令書

卷十六 教化

十

持或請拈香諭之曰不必此非吾拈香處也在新會時值城隍廟
會循例行香見甬路兩傍坐若干人人皆詭形怪狀裝神仙以惑
人者余令鞭之曰如果神仙不騰雲上必隱形去矣此等皆何爲
者令衙役盡驅逐遠去亦推行廣訓之義

嚴如燧

見保甲書卷三

三省邊防備覽策略

川陝邊徼土著之民十無一二湖廣客籍約有五分廣東安徽江
西各省約有三四分五方雜處無族姓之聯綴無禮教之防維呼
朋招類動稱盟兄姻婭之外別有乾親往來住宿內外無分奸拐
之事無日不有人理旣滅事變所以頻仍也康熙年間川陝總督

鄂海招募客民於各邊邑開荒種山邑多設有招徠館又飭州縣選報紳士耆民充爲鄉長約正宣講聖諭城中朔望山內場集均爲演講責成地方官實力奉行風俗丕變盜賊稀少百年以來父老傳爲盛事善政之化民成俗卽邊徼亦未必不可舉行是所望於志希循良者

葉世倬

見保甲書卷二

律例須知弁言

律例卷帙綦繁勢難盡諭於民而百姓固於見聞之陋鉤於習染之汙有明犯爰書而習焉不察者殊堪憫惻茲於律例中擇其地方易犯各條略加註釋并以律載服制條目附列於後於宣講

牧令書

卷十六

教化

十一

聖諭後并講一二十條使愚民動色相戒又令紳耆家購一編暇日爲子弟講說庶知遵守不復誤羅法網則默化潛移藉以保其身家或不無小補云

謹按順治十二年奏准各問刑衙門止有律書一部小民不得與聞故犯法者衆令督撫將刑律有關於民者摘而錄之有司於春秋暇日爲之講說並令學官常爲士子講習載在

禮部則例

袁守定

見治原

圖民錄

州縣設義學薦科舉舉節孝行鄉飲下車入學講書朔望宣講

聖諭泛泛行之幾同故事苟出以至誠緯以精思恪恭震動以爲之自有風動之意舊制須作意行之

敬老所以使民興孝也吾敬其父彼焉得不以孝事父乎故不特來見者當以禮接之有百年者就其家見之可也敬士所以使民興行也吾敬其爲士民焉得不以是爲趨而勉爲士行乎故不特來見者當以禮接之有賢而隱者就其家見之可也人情敬其父則子悅敬其兄則弟悅敬一人則千萬人悅居是方而使一方之人無不悅令聞廣譽豈不休哉然而操之者至約也夫亦曰敬而已矣敬老敬士之效

鄭袤守濟陰下車旌表孝悌敬禮賢職王希呂所治郡敬禮文學

收令書

卷十六 教化

七

端方之士程迥所歷縣隱德潛善必表而出之以勵風俗凡涖一方詢其有學有行好善樂施之士及孝子節婦志其里居歲一存問每因事過其里卽招其人并節婦之子而慰勞之係士耆與之抗禮其家有應試者高其名次歲時祭祀每遣以貽作其氣使之有異於衆人亦闡揚風教之一端也優禮學行節孝之人

汪輝祖 見保甲書卷三

教民

教民之要不外勸懲二端如朔望行香宣講 聖諭勸農課士鄉飲賓興尊禮師儒採訪節孝之類皆勸懲之灼然者近多目爲具文余初蒞甯遠時方孟夏示日勸農皆訝異數至鄉飲酒禮吏莫

詳其儀注，不揣迂腐，一切典禮次第行之。三四年中，耳目一新，頑惰革面，士奮科名，婦知貞節，用力無多，收效甚鉅。夫通都大邑，猶曰公務殷繁，不遑兼顧，若簡僻之區，何致夙夜鞅掌，而亦一概廢弛乎？故典關勸懲者，不可不舉。

潘杓燦 見政畧

未信編

保庶之法，唯有教養二端。衣食足而後禮義興，故教不先，養飽，煖無教，近於禽獸，更爲聖人之所深憂。但小民散居村落，爲上者何能以孝悌之道家諭戶曉，巨鄉民樸魯，見官師如帝天，卽有開導，必不相入，故莫如以本鄉之長老教本鄉後生，爲便易。此講約一

收令書

卷一六 教化

三

節斷宜吃緊，勿以爲迂遠也。至于鄉建社學，以教童子，實本古制。今多不行，宜卽以講所爲課蒙之地，以約長兼塾師之職，能設法膳之，使小子有造，亦父母之所當然也。講約

鄉飲古養老之事也。達尊有三，雖爵者亦得與飲，而此禮專尙齒德，例於冬杪行之。有大賓有介賓，大賓與邑長抗禮，介賓襄贊其間，稍次于大賓。要皆居于客位，其敦請之法，各處儀注不同，而席費頗出正項，務須延訪輿情，悅服者當之。其有紳衿公舉，書吏以蜚語毀舉者，不可輕信。蓋一當此飲，卽有匾揚幣聘之榮，素封者固樂趣以誇于田夫野老，而巨狡宿奸亦冀借此以庇畢世之德。行賄者每賂口以行不試之費，而蓄怨者亦乘隙以施嫉賢之說。

至有村落痴騷之人，素有積貯里地，欲施魚肉，蔓延舉報，益愚民見邑長如天，如帝，登公堂如雲如霧。一聞此言，反如驅臨陷阨，百計求脫，如蠹推身打點，或覓情或指官分肥烹鴻，竟有破家者。是非尊賢乃厲民也。其于立飲之意，不大刺謬乎？雖是一節依樣葫蘆故事，然小民有口多關官箴，衆好衆惡必加覺察。鄉飲

報節孝無有定期，或奉旨舉報，或上司採風，或地方公舉，凡有真節真孝有關風化者，自當潔志表揚，不獨俯協輿情，亦且有光治化。若要部撫入告立祠建坊者，須查定例詳請，若止請部撫給匾存案表章者，於例稍有上下，亦屬無礙。至于自行給匾光耀本人門閭者，不必拘例，竟可行之。要必先憑親族公呈，取具地方結收令書。

卷十六 教化

十四

狀申詳者，據呈加看申請職行者，據呈加獎批給。此事衙役需索最多，地方漁潤不少，故富者多過情之譽，而窮孝窮節，艱于上聞，務須察訪真確爲效。舉報節孝

朱見治原

作吏管見

地方節烈孝義之事，年例已合者，自應請旌。未合年例者，州縣官須有一番維持保護之道。平日留心採訪某村有節孝義士某人，巡歷經過，不妨親加存問，并傳集本村本家之人當面曉諭，念其情之可憫，獎其事之難能，相勸親族留心扶持照看，不可圖產欺凌。年例未符，官先給一匾額，以待旌表。貧窮者酌給米布，以示優

恤許其合例卽爲請旌鄉民見官重節義人自知節義之當重本人益堅其志地方有逼孀欺孤奪產之事告官立卽查究不少寬貸亦不可延累逼孀搶嫁之徒有所畏懼所全節義不少

葉 鎮 見治原

作吏要言

忠賢遺跡年久沉沒于荒烟蔓草者亟爲搜尋考核復其故址而表章之揚前哲卽以勵後人舉節一事貧族或慮上下衙門胥吏需費竟有遲疑不卽呈報者須出示曉諭並留心訪實飭速舉報或畧爲經理不至沒濟德之幽光且使人知節義之足重

王士俊 見治原

收令書

卷十六 教化

七

勸戒

孝子義士節婦烈女民之標準也雍正二年奉上諭直省建忠義孝弟祠及節孝祠男女異域樹之綽楔識其姓氏以樹儀型固移風易俗磨世礪鈍之大典矣守土之司近多忽畧偶有申請落落無幾兼之力能上達多係富饒之家而窮鄉僻壤孤苦伶仃無表彰之藉卽爲採訪所不及偶有奇節彪炳勢難遏抑則胥吏需索酒食之資舟車筆墨之費貧家反爲苦累竟視旌獎若畏途余官楚粵及河東兩省俱檄行搜羅一應苛索務必嚴禁發潛德之幽光震聳躓之耳目庶以恭體 朝廷激濁揚清之志也大漢書食貨志云春將出民里胥坐于右塾隣長坐于左塾卽今鄉

約遺制也。今鄉約之設，朔望宣講，聖諭一十六條，廣訓萬言，雍正四年立族正以察族之賢不肖。雍正七年復於大鄉大村設約正一人，值月三四人，置德業可勸者爲一籍，過失宜規者爲一籍，於此鄉內有善者衆推之，有過者值月糾之，每月約正詢實狀，值月填簿籍，歲終考校其善過，彙冊報牧令，設爲勸勉，其詳如此。余曩任粵藩，因思記過之籍，第可爲鄉村守分農民，偶有過犯而設。若夫大奸大慝，曾爲探囊拏篋之徒，月朔不來聽講，約正無可糾繩，特立木榜勸懲之法，以愧勵之。按律載：凡府州縣各里俱設立申明亭，置板刻榜文於內，將奸盜詐僞、不孝不弟、與一應爲惡之人，並書姓名於亭，能改過自新者則去之，有私毀亭舍塗抹姓名者，罪如律。令杖一百，流三千里。余之設立木榜，遵國典也。風化攸關，安得不詳明而申諭之。

牧令書

卷十六

教化

十六

民禮

王制司徒修六禮以節民性，所謂冠婚喪祭鄉相見也。今貴賤踰制，貧富相耀，莫如婚喪二事。考古之昏禮，周官媒氏云：入幣純帛，無過五兩，儀禮婚禮云：皮帛必可制，禮記昏義云：婦執笄棗栗服，修以見，不過如是而已。今則女索男以厚聘，男期女以盛奩，筐篚之費，動踰中人之產，猶云未慳，又昏禮不賀，而今則賀者喧闐，昏禮不用樂，而今則樂連數部，殊可怪矣。至喪爲大事，子路云：不若禮不足而哀有餘也。乃古者桐棺以殮，今則玉衣珠璧矣。古者奠

用素器今則雕簋刻俎矣古者弔尙生芻今則山珍海錯矣古者
邱隴俱小今則旁置萬家矣古者喪必廢樂今則金鼓沓奏矣既
糜費夫金錢又顯背夫古制風俗之弊俱由士大家權輿奢僭豔
彼觀瞻旣而富厚之室效之旣而空單之家亦效之竭膏疲血悅
耳玩目竟忘昏禮爲著代之悲喪禮有怛化之慮若曰不如是不
足以避姍笑也豈不愚哉

蔡世遠曰婚喪賓祭酌古今之宜因其人情風土制爲簡易
之禮以通之斯善則也

朱

見治原

作吏管見

收令書

卷十六 教化

七

一州一縣之內四鄉風俗有美有惡美者不知其善而勸勉之惡
者不知其非而懲戒之卽有知其非者以爲風俗如斯粹難更改
置之無論願膺民社者到任後留心採訪何者爲美何者爲惡得
其的確臚列示民使士民皆知勸戒每見紳士婉切言之紳士奉
有官諭自先踴躍遵行善者推廣力行惡者漸次汰除愚民有所
效法漸次移易但不宜遽繩以法更不可差查滋擾開需索嚇詐
之端

作吏要言註

昔夫古時風俗之興也上大夫之教也
官司文告原不可少要在設身處地人情入理人人易曉自然人
人喜看傳述旣多自有感化最忌者地方官以此告示塗飾耳目

自作身分或希圖上司往來觀聽或自己本有抱歉之事以此塞人口實或幕友賣弄筆頭盈篇累幅全無爲民真意此等掛壁空文徧處皆是誰人肯看誰人耐看卽看去亦徒滋訾議耳

王有孚 見用人

一得偶談

條教號令原是勉人爲善戒人爲不善不是老生常談今之文檄告示若將禮法二字說得透徹人雖至愚未有不觸目知儆者惟僅浮游敷衍不能說到人心坎裏去所以視爲具文

汪輝祖 見保甲書卷二

告諭

政令書

卷十六 教化

六

吏役鄉氓均無遠識凡差遣聽斷不將所以然之故詳細諭知必且懵于遵率吏役則周折貽誤鄉氓則含混滋疑均足累治故告下之語必須詳細

熊宏備

見治原

居官格言

善啟迪人心者當因其所明而漸通之母強開其所閉善移易風俗者當因其所易而漸反之毋輕矯其所難

袁守定

見治原

圖民錄

爲治以教爲本祗隨人隨事隨時隨地諄諄教誨民自感化所謂

善政不如善教之得民也。以教爲本

凡地方有做俗革之須有道。徒事敲扑文告無益也。周舉爲并州刺史。太原舊俗以介子推焚骸有龍忌之禁。一月寒食。莫敢烟爨。老小不堪。歲多死者。舉到州。作帛書置子推之廟。言盛冬去火。殘損人命。非賢者意。應惠示愚民。以還溫食。賈彪爲親息長。民貧多不舉子。時城南有盜劫人者。北有婦人殺子者。彪出案驗。掾吏欲引南彪曰。寇害人。此猶常有。母子相殘。逆天違地。遂北行。按致其罪。數年間。人養子以千數。曰。此賈父所生也。辛公義爲岷州刺史。俗畏病。一人有病。合家避之。病者多死。公義欲變其俗。分遣官人巡檢部內。凡有病者。皆輿置廳事。晷月疫時。病人或至數百。廳廊攸令書。

卷十六 教化

七

悉滿公義設座其間。理事所得。秩俸盡用。施藥迎醫療治之。躬視飲食。于是悉以差召其親戚。諭之曰。死生由命。不關相染。前汝棄之。所以死耳。諸病家子孫。慚謝自此始。相慈愛。三事乃移風易俗最善者。革做俗須有道

凡俗好鬼神之事。以其能禍福人。驟禁之。民恐召災。而訛言起矣。西門豹治鄴。處置河伯婦。大是快人。偶閱後漢書。宋均爲九江守。所屬浚遒縣。祠唐后。二山衆巫取民女爲公媪。有妨嫁娶。前後守令莫敢禁。均命今後爲山娶者。皆娶巫家女。勿擾良民。其害遂絕。較之西門豹投巫之事。不惡而嚴。變移惡俗。若行所無事。真善術也。變易惡俗

田文鏡

見用人

嚴禁迎神賽會以正風俗事

照得異端邪教最易煽惑人心鄉愚男婦聚處混雜不但敗壞風俗抑且陰作匪爲若不嚴加禁戢日久釀成禍患誠非細故然聚衆必有其由而入教必有其漸揆厥根源皆自迎神賽會而起蓋小民每於秋收無事之時以及春二三月共爲神會挨戶歛錢或紮搭高臺演唱囉戲或裝扮故事鼓樂迎神引誘附近男女招集遠方匪類初則假托三皇釋門清茶等名色以鼓惑愚民經旬浹月聚而不散遂成黨羽因而焚香設誓布散謠言此卽邪教之所由起也欲杜邪教先嚴神會嗣後男耕女織各務本業毋得聽信

牧令書

卷十六

教化

三

奸棍騙誘伴修善事甘入邪教除民間秋冬祈年報賽凡在應祭神祇許報知鄉地赴地方官具稟批准止許日間演戲祭儀不得繼之以夜亦不得過三日如敢裝扮神像鳴鑼擊鼓迎神賽會者地方官不時嚴查犯則立拏解縣照巫師邪術例分別首從從重治罪婦女有犯罪坐夫男鄉保地隣知而不舉一并連坐

黃可潤

見保甲書卷三

禁做俗

直隸喪禮居喪者有負罪哀痛之容遇親友則稽顙頰近古而南府人又有大可異者鄉俗重女凡父母喪棺槨衣衾厚薄必請命於女女不論家之有無欲爲者子不得辭至殯而用浮屠演戲跑

解惟女之故。母喪凡母所遺女皆有之。男不得問。母黨之伯叔兄弟及女眷要索服帛開闢喪妻喪子媳亦然。遭喪者不違卽位哭講解禮法而痛懲之。不但厚風俗且保民之身家焉。

直隸順天津保定三府之外。婚聚尙從省儉。中人之家儀幣十餘金而已。女家奩不遇布素。視南方奢靡不同。然南府有二大弊。女必長于男。或十餘歲或七八歲。故婦持門戶。壓制夫。男代訴官長者比比。余稔知其弊。一日集諸生月課。二十餘人問之最下室人長三歲兩歲耳。其乖異如此。古禮男三十而娶。女二十而嫁。今聞女二十而男則僅十三四。不但夭折可虞。亦非正家之道。余見直隸兩府之民。每村瞽目甚多。未必不由此。是不可不

教令書

卷十六 教化

三

大聲疾呼以禁止之者也。

勸戒

北方土厚水深。故其民性質厚朴。而無佻巧之習。其詐也亦愚而易辨。抗糧舞弊。起滅訟端。聚眾械鬪。堪輿迷惑。諸弊比南方差少。而有害于民之身家者。賄也。盜也。私宰也。其有害于民之風俗者。居喪演戲也。同姓爲婚也。女流跑解也。男女進香宿廟也。北省皆然。不獨直隸。示告之外。于講約及大集場下鄉相驗。人衆擁觀之時。將敝俗詳悉勸諭。民自漸知其非。其最難變者。賭博耳。有窩之于家者。有誘之於集場者。唯設法稽察以嚴懲之。可以威治。不能以德化也。

做俗

生財有道曰生之者寡食之者寡而今則生之者少耗之者多矣
 禮俗之繁衣食之後所不待言而最為民蠹者四一曰賭賭之例
 禁綦嚴矣今則有曰壓寶者處處為之市肆之中廟會之際公然
 搭棚賃屋地保衙役嚙其陋規不但明知不問抑且與為朋夥雖
 三尺童子有錢一二文亦可一壓而取之視擲骰抹牌其害更甚
 然責成子諸役犯則先懲人知畏法自可禁絕一曰娼無恥婦女
 而俏賣姦浮浪子弟尋死入局即有土棍包攬名曰掌竿甚則娼
 賭合為一事名曰花賭矜士中亦有以此牟利不以為恥者然亦
 收令書

卷十六 教化

無不可禁前邯鄲尹王君光燮出示嚴諭有娼婦犯禁者杖而官
 賣之秤筋整賣祝猪肉價即逃之隣邑余縣吳公國棟於土娼分
 別驅逐外查其家有所畜幼女俱押令轉賣或歸宗此等事如認
 真為之人敢以身試法耶一曰廟會循舊會期焚香拜神禮亦可
 行行商坐賈各攜貨物人所必用聚于一所亦可勿問若婦女擁
 擠糾人進駕紛紛若狂悖不知怪一廟所耗費數月衣食之資前
 余縣署事孫公爾周遇走馬賣解婦女即拘責夫男將馬入官交
 後任不知者頗疑之知之者以為風俗民生計也余在新會日見
 會頭人等擡城隍神像沿門募化嘗有施至十餘金者金鼓導從
 名曰出巡示諭之曰聰明正直之謂神幽明一理也神何樂乎托

鉢行乞有倡首者罪之乃不敢動。曰：演戲春祈秋報偶一爲之亦所勿論而地保棍徒動輒斂錢城市鬪鬪之區喧聒時聞有不願者強派惡取不知財物竭于優倡子弟易于浮蕩賭博剪竊乘機而起余在新會每公事稍暇卽聞鑼鼓喧闐問知城外河下日有戲船卽出示嚴禁拘拏會首究處有謂爲不順民情者勿之恤也欠之有以戲錢修橋道者余出示獎許此風遂衰戲船亦去以上四弊一到任卽當示禁而終始實力行之使人民知所重在此至于棍徒糾黨盟爲兄弟恃強欺弱動輒打架多係悍民吾爲強梗所宜明示重處又不待言。

陸世儀

見保甲書卷三

牧令書

卷十六 教化

三

求才

治天下以求才爲先治一邑亦當以求才爲急今之郡縣非無才也而有司不知作興鼓舞之道其留意人才者不過季考月課爲文字相知耳夫文字之責上有督學下有學師何煩有司更爲數數也愚謂有司季考月課當另爲一法分理學經濟二科設爲條問理學如顏子所好何學之類經濟則舉時務之切要者每科數條觀其所答優劣德行優者養之庠序經濟優者措之施行不惟賢才可以立得而聞風興起者吾知且不可勝計矣。

黃可潤

見保甲書卷三

教士

教民總要明理義。義明則凡事皆有聖賢準則。其天質清明者。可勉焉。與古爲徒。其下焉者。亦恐得罪名教。而不敢蕩軼。直隸制府高公藩憲方公。嘗刻小學及近思錄。註解明晰。頒行屬邑。又動項赴南方購買。御纂四經。每邑發數十部。余購買。欽定四書文百部。諸生有力者。令繳原價。其次或數人同售。寒士則發學借給之。然難在有人講解耳。北方學者多朴魯。却肯認真。余在無極。每月二次聚諸生課文。得其秀者三十餘人。每課畢。問以所讀經書異同。或有劄記來請質者。講論彼此皆有益。其中學古有獲十餘人。類分處四鄉。余凡遇邑諸生。皆諭令將應讀經書質于隣鄉某某之通達者。自是頗有傳授。蓋人多豈能皆與講習。但盡心于

牧令書

卷十六 教化

五

秀者。且濡目染。義理漸明。旁推交通。彌廣而流于永久。不獨文風日上也。

王植 見治原

紳士

十室之邑。必有忠信。况今之牧令。比古侯國乎。一邑中有學行老成之紳士。有能文勤學之俊髦。有詩詞古作之軼才。有閉戶潛修之端人。皆邑長所宜禮接也。除鴟張浮薄不自立品者。無庸議外。皆當處心物色。以時接對。昔陳公奕禧爲吾邑宰。擇士子秀者。與紳衿子弟爲詩文會。從容竟日。陳公雅琛于義學。延名師生童課藝。常手自丹鉛。甲乙之。皆文教善政也。余在岡州。日子五經中各

摘八題考其論說記序考辨諸體不限日期不必全作余亦偶擬一篇商之諸賢遂有岡州錄課之刻紳士來見者無不即時延入言不及私語必盡情因得以訪問賢能因事接見亦政教之一助也至若停徵封印時五簋便酌延有學有行之士畧分言情亦常事耳每見州縣請客非送規禮之大商卽饋節儀之富室貧紳下士漠如也余有延請必先紳士卽其人每出意外余笑曰吾輩本一體相與談地方利病問士習民風不在盃酒間也若不立品者法亦不可廢余在陽江比較一生充里長赴卯期余囑令責之將受笞余曰生自賤非余苛也雖然吾不以一二人失待士體嗣後無復爾也後在香山衿士抗糧赴比者頗多且論之不悛余忿其

牧令書

卷十六

教化

五

頑鈍無恥竟笞之然每以爲悔至于童試尤須認真余是日恐有傳遞點名後令搜檢執事人等盡出惟留兩門子伺候將封門門子稟曰人已出去矣余曰爾非人耶亦令盡出而後封門出題蓋傳遞不離黥役所取非人真才淹抑不得不嚴也

汪輝祖

見保甲書卷三

治士子干訟

士而干訟必不可縱然遽懲以法又非育才之道甯遣士習澆漓好以干訟爲事余至與諸生約國家優待衿士雖已事許用抱告如事非切已或爲隣佑或爲干證護符袒訟者點名之後概不問供給予紙筆令在堂右席地作文隣證中自有白丁在審係白

丁左袒則與白丁並列之衿士卽以白丁之罪罪之立會教官當堂扑責白丁非左袒者衿士亦不復取供而以所作之文年終彙送學使職員監生則先責後詳必不姑恕自有此約竟無紳士試法者終四年未扑一衿故知衿士原多知禮不當與訟師同日而語蓋士不自愛乃好干訟官能愛之未有不知媿奮者愛之之道先在導之於學爲月課爲季考拔其尤者收之書院義學之中鼓舞之振興之隆以禮貌優以獎賞與干訟者榮辱迥殊則士以對簿爲恥莫不砥厲廉隅不獨文教之可以日盛也

往者陳公滄州守江甯始至卽諭諸生有行誼修飭而進見以求益者吾與爲賓主禮其毀廉隅證爭訟者檄諸縣簿載

效今書

卷十六

教化

三

其名歲終報府俟督學按試時上之終公之任諸生無證訟者右見望谿集亦治士干訟之一法

王鳳生

見保甲書卷二

紳士

爲政不得罪於巨室交以道接以禮固不可以權勢相加卽士爲齊民之首自朝廷法紀不能盡喻於民惟士與民親易於取信如有讀書敦品之士止賴其轉相勸戒俾官之教化得行自當愛之重之偶值公事晉見察其誠篤自重者不妨以其鄉之有無盜賊民居作何生業風俗是否淳漓博採周諮以廣聞見至於觀風獎勵書院膏火鄉試賓興或捐資以厚贈遺或籌款以增產業務期

培養寒峻。文運日興。若千謁以私。卽推而遠之。無論矜紳必不容。其袖遞稟呈關說詞訟。倘敢非分滋事。藐視官長。甚以呈詞詆毀。當嚴謾言。一經嘗試。必加意整飭。明正其非。決不可任其得意揚眉。以啟他日加凌之漸。最無狀者。輕則戒飭。重則詳革。必勤非種。以育真才。斯足服士心而崇眾望。

何耿繩

見政畧

紳士

紳士爲一方領袖官之毀譽。多以若輩爲轉移。採其行端望重者。偶一俯交。便覺正氣隆重。人知嚮方。再爲觀風。月課整飭。斯文則衆口成碑。宵小之徒。氣類蕭索。自陰消無數事端。

牧令書

卷十六

教化

葉鎮

見治原

一作吏要言

課士是第一要政。或每月。或每季。分別生童親視之。正其文體。示之以所應讀之書。體驗之法。并講明忠孝廉節之義。士風未有不駸駸日變者。士風變則民風亦變矣。

端士習厚民風。莫先正其蒙養。而蒙養之要端在小學。一書經傳

義蘊廣大。一時難通。小學易解。且切于日用。凡蒙館中。令擇能明

小學者爲之師。初讀書時。卽兼授此。俾熟讀而講明之。人家子弟

無論士農工商。幼時莫不送入學舍。三五年間。其工夫儘可及此。

乘其天性未漓。以此先入之言。浸灌於中。庶乎有基勿壞。日後爲

士則易成好秀才爲農則易成好百姓習俗安得不厚況此亦不難立法考察始以中縣論約計城鄉蒙館不過二百上下查明立冊印官無暇遍歷教官亦可分任其責如此庶爲師者先要講明此書理解爲父兄者知此書之必當讀亦要先擇蒙師久之將不待官長考核而成爲風教矣

此可以通義之
竊不必造冊滋
張

牧令書

卷十六 教化

三

註曰責成蒙師首授小學士農工商皆會讀小學之人于風教人材實有裨益其考察之法莫如將一州一縣之內毋論成童蒙館查造一冊下鄉經過不妨到館先與館師講究訓讀之方示以學徒應讀之書下次經過復至館查問獎勵不獨知館師學問教法學徒內有資性可以上進者亦可物色或賞以書籍加意培植在州縣官止須用些心思不惜迂道之勞久之四鄉之學皆官學鄉館學徒皆官學之徒師生更加奮勉比之特設義學苦無經費招人肄業不能徧及者不啻事半功倍其館師仍聽各館自相延請不必官爲指定或優者加以獎勵不安者偶以易之總不必分委教官又滋一番去取營求伺候攪擾也

陳宏謀

見保甲書卷三

通查義學租田館舍檄

滇南越在遐荒夷多漢少土田磽瘠居民窮苦多有俊秀子弟苦於無力延師又夷俗不事詩書罔知禮法亟當誘掖獎勵俾其向

學親師薰陶漸染以化其鄙野强悍之習是義學之設文教所關風俗所係在滇省尤爲緊要也歷任各大憲留心文教加意風俗各屬仰承德意建學死師所在多有但查各屬從前義學或止爲成材而設而童蒙小子未能廣行教讀或止設在城中便於附近漢人子弟而鄉村夷獠未能多設義師夫蒙養爲聖功之始則教小子尤急於教成人興學爲變俗之方則教夷人尤切於教漢戶今欲使成人小子漢人夷人不以家貧而廢學不以地僻而無師到處絃誦衣冠文物耳濡目染夷變爲漢非多設義學不可除會城書院本司議將奉發帑金置產以垂永久業蒙兩憲准行外所有各屬義學合行通查仰該官吏即便轉行所屬州縣各將本地

牧令書

卷十六

教化

三

方有無義學或訓成材生童或訓夷獠幼童或幾處或在城在鄉係何時何官建設其中有無公田租息講堂書舍若干間現在聘何人爲師年需束修若干來學生童若干文課每月幾次夷童若干有無助給餼廩膏火并將各該地方附鄉應設義學幾處其教習夷童應用何等入爲師年需束修若干併妥議詳報至尙未設立之州縣及止設立在一處而四鄉適中之地尙須增設者該地方官悉心籌畫設法妥議詳請舉行或倡義捐設或將地方何項陋規作爲義學之用如無項可動亦將應設之處所需若干具詳請示卽從前已有義學而日久頽廢或田租被人侵隱或因近日地方有事廢弛未開者亦卽確查據實具詳以憑核奪

義學規條四則

一館師宜慎也。成材之學取法宜上。經館之師選擇宜嚴。地方官留心採訪。無論本地舉貢生員。及外來紳士。必須立品端方。學有根柢者。延之爲師。至於城鄉蒙館。卽於本地附近生員。儒士。內慎選誠樸自好。不與外事者。地方官不時稽查勤惰。并令教官按期協查。如能克端師範。實心訓課。該州縣優其禮貌。時加獎勵。如虛糜修脯。惰於督課者。查明另延。倘有不安本分。於設學之村。褻唆訟生事。愚弄夷民者。是不得義學之益。反滋漢奸之擾。立即另行延請。仍將所犯查審詳究。以示懲戒。每歲開館以正月爲期。散館以十二月爲期。至歲底散館。將某館生徒若干。成材若干。幼童若干。註明漢人夷人。申報查考。不得遲開。早散。有名無實。虛糜館穀。

牧令書

卷十六

教化

三

一化誨宜廣也。成材之士。務在敦勉實學。習誦佳文。不可仍踵陋習。專工浮靡。並令館師將存心立品居家治事之道。隨事指點。切加勸戒。至於蒙童。則課讀而外。必訓以拜跪坐立之禮儀。君親節孝之大義。每逢朔望。館師率領各徒。以次序立拜謁。至聖。次拜館師。次令各徒交相拜揖。館師於該地方敬將聖諭。廣訓明白講解。令各學徒環立聽講。并許該耆老。民人齊集聽講。所發上諭及各書。均交館師遞相交代。毋使遺失。一學徒宜分別遞升。以示鼓勵也。在城義學。成材爲多。在鄉義學。

蒙童爲多。然亦有蒙童而儘可造就。漸至成材者。是不可不遞加甄別。如蒙館義學。內有資性聰穎。勤於課業。可以學文者。卽升之在城經館。此等遠來就學。薪水維艱。該地方官量給膏火。以示獎勵。卽城中蒙館童子。能曉經書。學爲文字者。亦卽升之成材經館。如經館中有成材生員。文筆可造。而人材又復可觀者。仍許遵奉憲檄。量給盤費。給文送。至省城。候兩憲考取。送入書院讀書。如此層遞進取。猶是古者由鄉而國之意。而鄉僻生徒。各知奮志觀光。將來於此中提援數人。轉相傳授。士習文風。均有裨益。至村寨蒙館。夷獠子弟。鮮通官語。不識漢字。其始必以讀書爲苦。是在地方官加意引誘。設法獎勵。並令館師用心

牧令書

卷十六 教化

三

開導。俾先通漢音。漸識漢字。并卽訓以習禮明義。不得以夷獠而忽之。更不得以夷獠而拒之也。如有土目頭人阻撓。不許向學者。立卽究處。

一田租。宜歸官經理。以杜私隱也。從前學田州縣並不管理。或教官經手。或館師自收。易致盤踞。漸多侵隱。今撥給各館田地。有一處而分給數館者。有數處而同給一館者。零星分收。完欠更難查察。嗣後均應歸地方官經收。分給館師。不許館師私收。不許胥役分肥。或租田附近學館。地方官卽令老成鄉約人等。催令租戶。眼同就近上納。並將納過數目。報明地方官查考。如有拖欠。立卽追比。倘秋成尙遠。館師不能枵腹課讀。地方官量行

捐墊取領存案。於秋收時還項。并將此田地租息另給佃戶執照。於照內填明田畝坐落坵數租斗數目。取具佃戶租約。如佃戶遲刁抗欠追照。另行招佃。將來新舊官交代。一併另造清冊交代可也。

栗毓美 見保甲書卷三

義學條規

一勸捐宜聽民便也。捐立義學。原爲無力延師之子弟而設。而窮鄉僻壤尤宜加意。多立一學。卽培植多少子弟。事聽民便。則人心樂從。或一家捐一學。或數家公捐一學。或一村立一學。或數村公立一學。館舍不必擇地。修金不拘成數。大以成大小以成。

收令書

卷十六 教化

三

小各就地方情形變通辦理。童子艱於遠涉。其本村富戶公捐者。卽在本村立學。雖束修無多。較之每保每社設一大學。春更爲安便。且義學設在本村。則捐輸之家得沾實惠。民間聞風向義。有不觀感興起者乎。

一擇師宜慎也。義學之設。所以正蒙養而廣教化。延請塾師。須於歲前十一月。責令紳士首事。公同舉報。再由地方官查考。分別准駁。果其品端學粹。則從遊者自衆。今擬定修金四十兩爲大學。三十兩並二十五兩爲中學。二十兩十數兩爲小學。大學生徒以二十五名爲率。中學以二十名爲率。小學以十五名爲率。卽以學生之多寡。定塾師之優劣。並以經書之生熟。察課讀之。

勤惰若大學不及二十名中學不及十五名小學不及十名者非塾師不能認真課讀卽品行不滿人望許該董事隨時查明禮辭另延以免曠功而收實效

一延師宜定章程也各鄉義學必須首事議定塾師稟縣批准後再行訂延其開館日期均於開印前後擇吉入學十二月初開散館修金按月支送非過事苛刻也緣塾師不無更易一經透支則修脯既虧學將中廢固不得不從長計議定以限制而薦食乾俸尤爲近時積弊必當嚴行禁止不至有名無實

一義學宜隨時稽查也每歲春間開學之始先將各義學學生姓名年歲並所讀何書造具清冊至秋間再造冊一次比較春間

牧令書

卷十一 教化

三

生徒有無增減學業有無長進並可以察塾師之勤惰其冊令首事開造交該管地保進城之便投縣備查在城義學由儒學造冊移縣以備查核該地方官仍於因公下鄉之時隨時稽查分別獎勵

一應隨時宣講 聖諭也查各州縣向於朔望宣講 聖諭不過

在城市關廂而窮鄉僻壤未能週知四鄉旣立義學自應責成紳士率同約正副鄉地保在於該處村集每逢朔望日請塾師敬謹宣講省城現刻有 聖諭廣訓 聖諭講解刷印多本分散各義學其生徒中通曉文義者授讀廣訓若初學能識字者塾師將講解一書不時宣講該地方官仍於因公下鄉之便卽

入塾抽查生徒功課。如有能講解。聖諭大意。及背誦成熟者。卽從重獎賞。其塾師訓課有方。亦量加獎勵。且省中刻有呂新吾先生小兒語。好人歌。閩戒宗約歌。四種。每學發給一部。俾師徒隨時講習。如目前尋常道理。卽是身心性命之學。於人心風俗。方有神益。

一學舍宜隨時修建也。立學之始。總以籌備經費爲先。務迫經費既足。卽當籌辦學舍。每當歲晚務閑之時。勸令從學之家。或出人工。或捐物料。衆擎易舉。集事無難。但求堅固。不可徒飾觀瞻。是在隨時勸導。因地制宜。以圖經久。

一經費宜嚴禁侵蝕也。凡捐輸銀兩。或交商生息。或置產納租。但責令公正紳士。自爲經理。一面造報立案。以備查核。不得假手胥吏。以杜侵吞挪移之弊。至於生息之項。該管州縣發給銀兩。取具該商領結。仍發給該商印摺。並明白曉諭。如後任有提用挪借者。許該商持諭告阻。若該商私允挪借。卽責令該商着贖。仍通詳各憲。以垂永久。

一寒士宜存恤也。義學生徒。多係寒家子弟。其間材堪造就者。正不乏人。地方官隨時查考。如有天資穎異。勵志芸窗。堪以進取。卽當格外周恤。並送入書院肄業。俾得有所觀摩。仍不時親加考課。庶成材不至廢棄。既可仰副國家化民成俗之意。而振拔寒畯。未始非興賢育才之一端也。父母斯民者。其勿忽。

倪

玠 雲南昆明人嘉慶己巳進士道光初年官陝西洋縣知縣餘未詳

義學條款四則之一

各鄉子弟豈能個個望以功名要認得立學之意是要他識字是要他明理知道父母是要孝順的尊長是要敬重的隣里鄉黨是要和睦的架是打不得的狀是告不得的姦盜邪淫是犯不得的賭博酗酒等事是犯不得的每日將此好話教訓一番子弟聽慣便不覺把氣質都變化了

徐文弼

見持家

考試點名除弊法

昔歲予在陳復齋湖南學使幕中因考試點名虞多擁擠如衡州

牧令書

卷十六

教化

三

府屬之衡陽未分兩縣時應考童生多至四千餘臨期齊集嘗于四鼓開點已刻方畢雖多方諄諭究難轉移再四籌畫惟有廩保領進之一法以之歷試數棚行之甚便陳公因命擬奏稿將於科試事竣奏請定行旋以丁憂未果其法以童生縣試之日例由廩生畫結保送一生所保數名及數十名不等今即令于縣試事畢案送府試之時不必依取錄各次造冊但將廩生逐名開列每名後載所保童生各姓府考畢取錄案各冊送院試之時如前院試時卽按冊上廩保各次先期牌示第一名廩保某逐名挨列俾各廩生知孰先孰後臨時先點進第一名廩保則所保童生隨之魚貫而入點畢卽令退出隨點進次各廩保其所保童生仍前隨入

或有越次擁擠者責及廩生如此則諸童依廩保爲後先廩保視各次爲遲速諸童無虞失點自不越次求生且于未入應點之時廩保之所在而諸童隨之即可加之約束亦復便于稽查蓋廩保之設原以杜冒頂鎗手之弊向來所保各童照試案各次編牌聽點一廩生所保前後散列于點名之時廩生齊集侍立兩旁自開點以至點事必逐牌記憶所保之名應接不暇勢難細辨故間有頂替鎗手乘機混入及至發覺歸責廩生每以不及細認爲辭此法行則此輩無乘間混入之虞而廩保杜藉端委卸之弊諸童免奔趨追逐之甚而老生省矻立守候之勞誠一舉而四便也

牧令書

卷十六 教化

三

奔趨追逐之甚而老生省矻立守候之勞誠一舉而四便也



廩保之所在而諸童隨之即可加之約束亦復便于稽查蓋廩保之設原以杜冒頂鎗手之弊向來所保各童照試案各次編牌聽點一廩生所保前後散列于點名之時廩生齊集侍立兩旁自開點以至點事必逐牌記憶所保之名應接不暇勢難細辨故間有頂替鎗手乘機混入及至發覺歸責廩生每以不及細認爲辭此法行則此輩無乘間混入之虞而廩保杜藉端委卸之弊諸童免奔趨追逐之甚而老生省矻立守候之勞誠一舉而四便也

